

صحیح الدعاء والثناء علی اللہ تعالیٰ

صحیح دعاواں تے اللہ تعالیٰ دی ثناء

دعا دے آداب

اللہ تعالیٰ دیاں تعریفاں

قرآن دیاں دعاواں

نماز دیاں دعاواں

نبوی دعاواں

نبوی تعویذات

دم دیاں دعاواں

صبح شام دے اذکار

د. عبداللہ بن جمود الفرج

کسی موضوع دے متعلق اذکار تے دعاواں
ول جان لئی اوس موضوع اُتے کلک کرو





مقدمہ

ساریاں تعریفاں اوس اللہ واسطے جیسہڑا ساریاں جہاناں دارب اے، تے صلوة و سلام اوہدے عزتتاں والے رسول تے، تے اوہناں دی آل دے اُتے، تے ساریاں صحابہ تے۔ ایہہ اک سوہنی کتاب اے، ایہدے وچ مختلف قسم دیاں جامع دعاواں نیں (اللہ تعالیٰ دی ثناء، قرآن دیاں دعاواں، نبی ﷺ دیاں دعاواں، نبی ﷺ دے تعوذات، شرعی دم، تے صبح شام دے اذکار)، ایداں ای دعا دے آداب وی ایہدے وچ نیں۔ میں اپنی پوری کوشش کیتی اے کہ صرف صحیح دعاواں دا انتخاب کراں، تاکہ مسلمان پوری کوشش تے یکسوئی نال اوس طراں

ای دعا کرے جس طراں کتاب و سنت و حج دعاواں
 آیاں نیں، جنہاں و حج بہت زیادہ خیر اے۔ میں
 ہر دعا نوں عربی زبان و حج لکھیا اے، تے اوہدا پنجابی
 زبان و حج ترجمہ دتا گیا اے، تے نال نال دعا دے
 تلفظ نوں وی لکھ دتا گیا اے۔ کتاب دے آخر و حج
 میں دعاواں دیاں احادیث دی تصحیح نوں وی ذکر کر
 دتا اے۔ میں اللہ توں دعا کرناں کہ اوہ ایس عمل
 نوں خالصتا اپنی ذات کریم واسطے بنا دے، تے صلاة
 و سلام ہووے ساڈے نبی محمد ﷺ اُتے، تے آپ
 ﷺ دے ساریاں صحابہ اُتے۔

ڈاکٹر عبد اللہ بن حمود الفرتح

دعاواں توں پہلے کچھ گلاں

اے مسلمان! توں اپنے رب دا محتاج ایں۔۔۔ اوس
دی پاک ذات دے نال ای توں بے نیاز ہندا ایں،
ایہہ تیرے لئی کچھ ماثور دعاواں نیں، اپنے دل
دے نال ایہناں لئی تیار ہو جا۔

ایہہ دعاواں ہر طرح دی خیر اپنے اندر رکھدیاں نیں۔
ایہناں وچوں جنیاں توں کر سکدا ایں زبانی یاد کر لے،
کنیاں ای دعاواں ایداں دیاں نیں کہ اوہ تیرے ہر
مقصد لئی کافی نیں،

کیونکہ ایہناں دعاواں دے لفظ تھوڑے پر معنی
وسیع نیں،

ایہناں دے نال نال جیسرٹی چیز دی ضرورت اے
اوہ تیرے دل دی توجہ، تے اپنے رب دے سامنے تیرا
خضوع اے۔

دعا دے آداب

پہلی گل: دعا منگن والے لئی ضروری اے کہ اوہ خالص اللہ کو لوں دعا کرے۔ اوہنوں یقینی طور تے علم ہووے کہ اکلا اللہ ای اوہدی دعا قبول کرن تے قادر اے۔ اللہ توں علاوہ اوہ کسے کولوں دعا نہ کرے ، تے اوہدے توں علاوہ کسے نوں وسیلہ نہ بناوے، پاپوں اوہ نبی ہووے یا ولی ہووے یا فرشتہ ہووے یا کوئی نیک بندہ ہووے یا کوئی وی ہور ہووے۔ اللہ تعالیٰ دا فرمان اے: ﴿فَادْعُوا اللَّهَ مُخْلِصِينَ لَهُ الدِّينَ﴾ [غافر: 14] «اللہ کولوں دعا کرو اوہدے واسطے عبادت نوں خالص کر دیاں ہویاں»

دوجی گل: ایہہ یاد رکھو کہ توڈا دعا وچ مشغول

ہونا بذاتِ خود اک عبادت اے۔ اللہ تعالیٰ ایہنوں پسند کردا اے، تے دعا دی قبولیت توں ہٹ کے وی توانوں ایہدے تے ثواب دتا جاندا اے۔

تیجی گل: تواڈے لئی ضروری اے کہ تسی اللہ تعالیٰ تے بھروسہ رکھو، تے ایس گل دا یقین رکھو کہ اوہ تواڈی دعا نوں قبول کرن دی قدرت رکھدا اے، تے ایوی کہ توانوں کسے وی ایداں دی مخلوق دے تقرب دی ضرورت نہیں جیسڑی توانوں اللہ تعالیٰ دے قریب کرے، تے نہ توانوں ایداں دیاں بدعتاں دی ضرورت اے جیسڑیاں مسلمان نوں ناجائز توسل دے وچ پوندیاں نیں۔

چوتھی گل: اللہ تعالیٰ تواڈی توبہ کرن تے، تے تواڈے اوہدے ول متوجہ ہون تے خوش ہندا اے،

پاویں تسی اپنے گناہواں دی وجہ نال اوہدے توں
 کناں وی دور چلے گئے ہووو۔ ایس لئی دعا دی
 قبولیت نوں ناممکن نہ سمجھو، تے نہ ایس اوہدی
 رحمت توں نا امید ہووو۔ بلکہ ایس گل نوں یاد رکھو
 کہ اوہ تواڈی توبہ تے خوش ہندا اے، تے تواڈے
 دل متوجہ ہندا اے۔ حالانکہ اوہدی پاکیزہ ذات بے
 نیاز اے۔ اوہدا ایہہ فرمان یار رکھو کہ: (کوئی شک
 نسیں کہ اللہ سارے گناہ معاف کر دیندا اے)۔ تے
 اوہدا ایہہ فرمان وی یاد رکھو کہ: ﴿إِنَّ اللَّهَ يَغْفِرُ
 الذُّنُوبَ جَمِيعًا﴾ [زمر: 53] (کوئی شک نسیں کہ
 اللہ سارے گناہ معاف کر دیندا اے)۔ تے اوہدا
 ایہہ فرمان وی یاد رکھو کہ: ﴿وَإِذَا سَأَلَكَ عِبَادِي
 عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ﴾
 [بقرہ: 186] (جدوں میرے بندے تیرے کولوں

بچھن تے اوہناں نوں دسیا کر کہ میں قریب ای
آں، جدوں کوئی دعا کرن والا میرے کولوں دعا کردا
اے تے میں اوہدی دعا قبول کرنا۔

پنجویں گل: ضروری اے کہ دعا منگن والے
دا کھان پین حرام دی کمائی دا نہ ہووے۔ ایہہ
ایسی چیز اے جیسڑی دعا دی قبولیت وچ رکاوٹ
بندی اے۔ کیونکہ ابو ہریرہ رضی اللہ عنہ دی توں
حدیث روایت اے کہ: «الرَّجُلُ يُطِيلُ السَّفَرَ
أَشْعَثَ أَغْبَرَ، يَمُدُّ يَدَيْهِ إِلَى السَّمَاءِ، يَا رَبِّ، يَا
رَبِّ، وَمَطْعَمُهُ حَرَامٌ، وَمَشْرَبُهُ حَرَامٌ، وَمَلْبَسُهُ
حَرَامٌ، وَعُذِّي بِالْحَرَامِ، فَأَنَّى يُسْتَجَابُ لِذَلِكَ؟»:
«رسول اللہ ﷺ نے اک بندے دا ذکر کیتا جنہے لمبا
سفر کیتا ہندا اے، اوہدا برا حال ہندا اے، تے اوہ
غبار آلود ہندا اے، اوہ آسمان ول اپنے ہتھ چک کے

کہندا اے: میریا ربا! میریا ربا! حالانکہ اوہدا کھانا
 حرام ہندا اے، اوہدا پینا حرام ہندا اے، اوہدا لباس
 حرام دا ہندا اے، حرام دی غذا اوہنوں دتی گئی ہندی
 اے، اوہدی دعا کیویں قبول کیتی جاوے؟!«۔ (صحیح مسلم: 1015)

چھیویں گل: دعا منگن والے لئی ضروری اے
 کہ اوہ دعا دے آداب تے اوہدیاں سنتاں پوریاں
 کرے۔ دعا دے آداب تے سنتاں ایہہ نیں:

1 طہارت دی حالت وچ دعا کرے، جس طراں
 نماز لئی وضو کیتا جاندا اے اوس طراں وضو
 کرے، کیونکہ ابو موسیٰ رضی اللہ عنہ دی صحیح
 بخاری تے صحیح مسلم وچ حدیث اے جہدے
 وچ اوہناں دا اپنے چاچے ابو عامر دے نال قصہ

بیان کیتا گیا اے۔ حدیث وچ آیا اے کہ ابو عامر رضی اللہ عنہ نے ابو موسیٰ رضی اللہ عنہ نوں آکھیا کہ اوہ نبی ﷺ نوں گزارش کرن کہ آپ ﷺ اوہناں واسطے دعا فرماؤن۔ ابو موسیٰ رضی اللہ عنہ نے آپ ﷺ نوں ایہدے بارے دیاتے رسول اللہ ﷺ نے پانی منگوایا، آپ ﷺ نے اوہدے نال وضو کیتا، فیر آپ ﷺ نے اپنے ہتھ چکے، تے فرمایا: «اللَّهُمَّ اغْفِرْ لِعَبِيدِ، أَبِي عَامِرٍ»: «یا اللہ! عبید یعنی ابو عامر دی مغفرت کر دے»۔ ابو موسیٰ رضی اللہ عنہ کہندے نے کہ میں آپ ﷺ دیاں کچھاں دی سفیدی وی ویکھ لئی۔ فیر آپ ﷺ نے فرمایا: «اللَّهُمَّ اجْعَلْهُ يَوْمَ الْقِيَامَةِ فَوْقَ كَثِيرٍ مِنْ خَلْقِكَ، أَوْ مِنَ النَّاسِ»: «اللہ! قیامت

دے دن اوہناں نوں اپنی بہت ساری مخلوق
 توں اُتے کر دے»، یا آپ ﷺ نے فرمایا
 کہ: «اوہناں نوں بہت سارے لوکاں دے اُتے
 کر دے»۔ ایس حدیث نوں امام بخاری نے
 روایت کیتا اے، حدیث نمبر: 4323۔ تے
 امام مسلم نے وی روایت کیتا اے، حدیث نمبر:
 2498

2 قبلے ول منہ کرے

3 دونویں ہتھیاں نوں اُتے چلکے: ایہناں دونویں
 سنتاں ول عبد اللہ بن عباس رضی اللہ عنہما
 توں مروی حدیث رہنمائی کردی اے۔ اوہ بیان
 کردے نیں کہ مینوں عمر بن خطاب رضی اللہ
 عنہ نے دسیا کہ جدوں جنگ بدر دا دن سی،

رسول اللہ ﷺ نے مشرکاں ول ویکھیا تے اوہ اک ہزار سی، تے آپ ﷺ دے صحابہ تن سو اُنی بندے سی۔ آپ ﷺ نے اپنا رخ قبلے ول کیتا، فیر آپ ﷺ نے اپنے دونویں ہتھاں نوں اُتے چکيا، تے اپنے رب نوں پکار کے آکھیا: «اللَّهُمَّ أَنْجِزْ لِي مَا وَعَدْتَنِي، اللَّهُمَّ آتِ مَا وَعَدْتَنِي»: «یا اللہ! جیسر ا وعدا توں میرے نال کیتا سی اوہ پورا کر دے، یا اللہ! جیسر ا چیز دا وعدہ توں میرے نال کیتا سی اوہ مینوں عطا کر دے»۔ مسلم: 1763

4 اپنی دعا دا آغاز اللہ عز و جل دی ثناتے اوہدے رسول ﷺ اُتے درود نال کرے۔ کیونکہ رسول اللہ ﷺ دے صحابی فضالہ بن عبید اپنے توں

مروی حدیث وچ بیان کردے نیں کہ رسول اللہ ﷺ نے اک آدمی نوں سنیاں کہ اوہ اپنی نماز وچ دعا منگ ریا سی، ایس طرح کہ اوہنے اللہ تعالیٰ دی تعریف بیان نہ کیتی تے نہ ای نبی ﷺ اُتے درود پڑھیا۔ ایہدے تے رسول اللہ ﷺ نے فرمایا: «عَجَلْ هَذَا»: «ایس بندے نے جلدی کیتی اے»۔ فیر آپ ﷺ نے اوہنوں بلوایا تے اوہنوں فرمایا: «إِذَا صَلَّى أَحَدُكُمْ، فَلْيَبْدَأْ بِتَمْجِيدِ رَبِّهِ جَلًّا وَعَزًّا، وَالثَّنَاءِ عَلَيْهِ، ثُمَّ يُصَلِّي عَلَى النَّبِيِّ صَلَّى اللَّهُ عَلَيْهِ وَسَلَّمَ، ثُمَّ يَدْعُو بَعْدُ بِمَا شَاءَ»: «جدوں تواڈے وچوں کوئی نماز پڑھے تے اوہدا آغاز اپنے رب عز و جل دی بزرگی بیان کرن نال تے اوہدی ثنا نال کرے۔ فیر اوہ نبی ﷺ تے درود پڑھے، فیر اوہدے بعد جو

چاہوے دعا کرے۔

اگر اوہ نماز دا آغاز اللہ دی ثنا دے نال کردا،
خاص طور تے حمد دیاں اوہناں آیات نال جیسرٹیاں
سورتاں دے شروع وچ نیں۔ آگے اوہناں دا ذکر
آئے گا۔ فیر اوہ نبی ﷺ تے درود پڑھدا، تے
فیر اللہ تعالیٰ دی مختلف طرح دی ثنا کر دا حمد دے
وچوں کچھ دا ذکر عنقریب آئے گا، تے اوہدی دعا
زیادہ قبول ہندی۔

5 اللہ کولوں دعا کردیاں ہویاں اوہ اللہ توں چنگا
گمان رکھے، تے دعا دی قبولیت دا یقین رکھے،
تے دعا دی قبولیت وچ جلدی نہ کرے، بلکہ
یقین رکھے کہ اللہ تعالیٰ اوہدی دعا قبول کرے
گا۔ ابوہریرہ رضی اللہ عنہ نبی ﷺ توں روایت

کردے نے کہ آپ ﷺ نین فرمایا: «لَا يَزَالُ يُسْتَجَابُ لِلْعَبْدِ، مَا لَمْ يَدْعُ بِإِثْمٍ أَوْ قَطِيعَةٍ رَحِمٍ، مَا لَمْ يَسْتَعْجِلْ»: «بندے دی دعا قبول کیتی جاندی اے جدوں تک کہ اوہ کسے گناہ دی یا فیر قطع رحمی دی دعائیں منگدا، جدوں تک اوہ جلدی نئیں کردا»۔ آپ ﷺ توں پچھیا گیا کہ یا رسول اللہ! جلدی کرناں کیہ اے؟ آپ ﷺ نے فرمایا کہ: «يَقُولُ قَدْ دَعَوْتُ وَقَدْ دَعَوْتُ، فَلَمْ أَرِ يَسْتَجِيبُ لِي، فَيَسْتَحْسِرُ عِنْدَ ذَلِكَ وَيَدْعُ الدُّعَاءَ»: «اوہ ایویں کہن لگ پوے کہ: «میں دعا کیتی اے، میں بڑی دعا کیتی اے، مینوں نئیں لگدا کہ اوہ میری دعا قبول کرے گا، فیر اوہ تھک جاوے تے دعا کرنا ای چھڈ دیوے»۔ (مسلم: 2735)

6 دعا کرن والا اللہ کولوں اوہدے اسمائے حسنی دے نال دعا کرے، تے اوہناں وچوں اوہناں دا ذکر کرے جیہڑے دعا دے نال مناسبت رکھدے ہون۔ جدوں اللہ سبحانہ و تعالیٰ کولوں رزق منگے تے آکھے: «یا رزاق»۔ جدوں اللہ تعالیٰ کولوں رحمت منگے تے آکھے: «یا رحمان یا رحیم»۔ جدوں اللہ عز و جل کولوں عزت منگے تے آکھے: «یا عزیز»۔ جدوں اللہ عز و جل کولوں مغفرت منگے تے آکھے: «یا غفور»۔ جدوں اللہ کولوں شفا منگے تے آکھے: «یا شافی»۔ ایس طرح اوس اسم دے نال دعا کرے جیہڑا اوہدی دعا نال مناسبت رکھدا ہووے۔ کیونکہ اللہ تعالیٰ نے فرمایا اے: ﴿وَلِلّٰهِ الْأَسْمَاءُ الْحُسْنٰی فَادْعُوهُ بِهَا﴾ [الأعراف: 180] «سارے چنگے

نام اللہ دے نیں، ایس لئی ایہناں ناواں نال
اوہنوں پکاریا کرو»۔

7 دعا دے الفاظ نوں بار بار دہراوے تے دعا
منگدیاں ہویاں اللہ کولوں اصرار کرے۔ کیونکہ
ابن عباس رضی اللہ عنہما توں حدیث مروی
اے کہ نبی ﷺ نے اپنے صحابہ لئی بدر دے
مقام تے دعا کر دیاں ہویاں ایداں عاکیتی:
«اللَّهُمَّ أَنْجِزْ لِي مَا وَعَدْتَنِي، اللَّهُمَّ آتِ مَا
وَعَدْتَنِي»: «یا اللہ! جیسرے توں میرے نال
وعدہ کیتا سی اوہنوں پورا کر دے، یا اللہ! توں
جیسرے چیز دا میرے نال وعدہ کیتا سی اوہ مینوں
عطا کر دے»۔ آپ ﷺ اپنے رب تعالیٰ نوں
پکار دے رئے بہتھوں تک کہ آپ ﷺ دی چادر

آپ ﷺ دے موڈیاں توں تھلے ڈگ پئی۔
 ابو بکر رضی اللہ عنہ آپ ﷺ دے نال سن
 تے اوہ آپ ﷺ نوں کہہ رئے سی: «اللَّهُمَّ
 اهْدِ دَوْسًا وَاثَّتِ بِهِمْ، اللَّهُمَّ اهْدِ دَوْسًا وَاثَّتِ
 بِهِمْ»: «اے اللہ دے نبی! کسی اپنے رب نوں
 جیسرٹی التجا کر دتی اے اوہ کافی اے»۔ (صحیح
 مسلم: 1763)۔

ایداں ای صحیح بخاری تے صحیح مسلم وچ ابو ہریرہ
 رضی اللہ عنہ دی حدیث آئی اے کہ جدوں نبی ﷺ
 نے دوس قبیلے لئی دعا کیتی تے آپ ﷺ نے
 فرمایا: «اے اللہ! دوس نوں ہدایت دے دے، تے
 اوہناں نوں لے آ، اے اللہ! دوس دیاں لوکاں نوں
 ہدایت دے دے تے اوہناں نوں لے آ»۔ (صحیح
 بخاری: 2937، صحیح مسلم: 2524)

8

دعا نوں ہولی آواز نال کرے، اُچی آواز وچ نہ

کرے۔ کیونکہ اللہ تعالیٰ دا فرمان اے: ﴿أَدْعُوا

رَبَّكُمْ تَضَرُّعًا وَخُفْيَةً﴾ [الأعراف: 55]

«اپنے رب توں گڑاگڑا کے تے ہولی ہولی دعا

کریا کرو»۔ (الأعراف: 55)۔ دعا نوں ہولی

آواز نال کرن وچ زیادہ اخلاص اے، ایسے لئی

اللہ عز و جل نے زکریا علیہ السلام دی دعا دی

تعریف کیتی تے فرمایا: ﴿إِذْ نَادَى رَبَّهُ وَنِدَاءً

خَفِيًّا﴾ [مریم: 3] «جدوں اوہنے ہولی جی

اپنے رب نوں پکاریا»۔ (مریم: 3)۔ ائمہ تفسیر

دے اقوال وچوں اک قول دے مطابق اوہناں

نے ایداں اخلاص دی طلب وچ کیتا۔

9

اوہدی دعا وچ اللہ تعالیٰ دی مدح تے اوہدی ثنا

ہووے۔ اللہ نوں پسند اے کہ اوہدا بندہ اوہدی

ثناء و بیج مشغول روے، تا کہ اوہ اوہدی ثناء کردیا
 ہویاں اوہدی بندگی کرے، باقی اللہ اپنے بندیاں
 توں بے نیاز اے۔ صحیح بخاری تے صحیح مسلم
 و بیج ابن مسعود رضی اللہ توں روایت اے کہ
 آپ ﷺ نے فرمایا: «وَلَا أَحَدٌ أَحَبَّ إِلَيْهِ
 الْمَدْحُ مِنَ اللَّهِ وَلِذَلِكَ مَدَحَ نَفْسَهُ»: «کوئی
 وی ایداں دانئیں کہ اوہنوں اللہ توں زیادہ مدح
 پسند ہووے۔ ایسے لئی اللہ نے اپنی مدح آپ
 کیتی اے»۔

10 دعا کرن والا دعا دی قبولیت دے وقتاں دی ٹوہ
 و بیج روے، تے اوہناں و بیج اللہ توں دعا کرے۔
 حدیثاں دے و بیج دعا دی قبولیت دے جیہڑے
 مقام تے وقت ذکر ہوئے نیں اوہ اے نیں:

اذان تے اقامت دے درمیان دعا، رات دے
 آخری تہائی حصے وچ دعا، جمعہ دی خاص گھڑی
 وچ دعا، نمازاں دے بعد دعا، سجدے وچ دعا،
 جدوں بارش ہووے اودوں دعا، مسلمان دی
 اپنے بھائی واسطے اوہدی کنڈ پچھوں دعا، والد دی
 اپنے بچے واسطے دعا، مسافر دی دعا، تے مظلوم
 دی دعا۔

صحیح دعواں تے اللہ تعالیٰ دی شفاء

صحیح الدعاء والشفاء علی اللہ تعالیٰ

اللہ عزوجل
دیاں تعریفیاں



◀ آگے جاؤ

▶ پہلے صفحے تے واپس جاؤ



﴿الْحَمْدُ لِلَّهِ رَبِّ الْعَالَمِينَ﴾ (۲) الرَّحْمَنِ

الرَّحِيمِ (۳) مَلِكِ يَوْمِ الدِّينِ (۴) ﴿﴾

[الفاتحة: ۲-۴]

(ساریاں تعریفاں اوس اللہ واسطے جیسڑا سارے
جہاناں دا رب اے، جیسڑا بڑا مہربان تے بڑا رحم
کرن والا اے، جیسڑا بدلے دے دن دا مالک
اے۔) [الفاتحة: 2-4]



﴿الْحَمْدُ لِلَّهِ فَاطِرِ السَّمَوَاتِ وَالْأَرْضِ جَاعِلِ
الْمَلَائِكَةِ رُسُلًا أُولِي أَجْنِحَةٍ مَّثْنَى وَثُلَاثَ
وَرُبْعٍ يَزِيدُ فِي الْخَلْقِ مَا يَشَاءُ إِنَّ اللَّهَ عَلَى
كُلِّ شَيْءٍ قَدِيرٌ﴾ [فاطر: ۱]

(ساریاں تعریفاں اللہ واسطے جیسڑا آسماناں تے
زمین نوں بنان والا اے، فرشتیاں نوں رسول بنان
والا اے، جنہاں دے دو دو، تِن تِن تے چار چار پر
نیں، اوہ جو چاہندا اے تخلیق دے وچ زیادہ کر دیندا
اے، اور ہر چیز تے قادر اے) [فاطر: 1]



﴿الْحَمْدُ لِلَّهِ الَّذِي خَلَقَ السَّمَوَاتِ وَالْأَرْضَ
وَجَعَلَ الظُّلُمَاتِ وَالنُّورَ﴾ [الأنعام: ۱]

(ساریاں تعریفاں اوس اللہ واسطے جس نے آسماناں
تے زمین نوں پیدا کیتاں، تے تاریکیاں نوں تے نور
نوں بنایا) [الأنعام: 1]



﴿الْحَمْدُ لِلَّهِ الَّذِي لَهُ مَا فِي السَّمَوَاتِ
وَمَا فِي الْأَرْضِ وَلَهُ الْحَمْدُ فِي الْآخِرَةِ وَهُوَ
الْحَكِيمُ الْخَبِيرُ﴾ [سبأ: ۱]

(ساریاں تعریفاں اوس اللہ لئی جہدے لئی آسماناں
تے زمین وچ پائی جان والی ہر چیز اے، آخرت وچ
وی ساریاں تعریفاں اوہدے لئی نین، تے اوہ بڑی
حکمت والا تے بڑا ای باخبر اے) [سبأ: 1]



«الْحَمْدُ لِلَّهِ حَمْدًا كَثِيرًا طَيِّبًا مُّبَارَكًا

فِيهِ»

«ساریاں تعریفاں اللہ لئی نیں، بہت زیادہ ،

پاک تے برکت والیاں تعریفاں»۔

«رَبَّنَا لَكَ الْحَمْدُ مِثْلُ السَّمَاوَاتِ وَالْأَرْضِ،
وَمِثْلُ مَا سَخَّرْتِ مِنْ شَيْءٍ بَعْدُ، أَهْلَ الشَّانِ
وَالْمَجْدِ، أَحَقُّ مَا قَالَ الْعَبْدُ، وَكُنَّا لَكَ عَبْدٌ:
اللَّهُمَّ لَا مَانِعَ لِمَا أَعْطَيْتَ، وَلَا مُعْطِيَ لِمَا
مَنْعْتَ، وَلَا يَنْفَعُ ذَا الْجَدِّ مِنْكَ الْجَدُّ»

«ساڈیا ربا! ساریاں تعریفاں تیرے لئی نیں، آسماناں
تے زمین بھر کے، تے اوس دے بعد ہر اوہ چیز
بھر کے جنہوں توں چاہویں، اے ثناء تے عظمت
دے لائق ذات، تے بندہ جو کچھ کہندا اے اوہدی
سب توں زیادہ حق دار ذات! اسی سارے تیرے
بندے آں، اے اللہ! توں جو کچھ دے دینداں ایں

اوہنوں کوئی روک نہیں سکدا، تے جس چیز نوں
توں نہیں دیندا اوہنوں کوئی دے نہیں سکدا، تیرے
سامنے کسی مالدار نوں اوہدی مالداری کوئی فائدہ نہیں
دیندی»۔



«اللَّهُمَّ لَكَ الْحَمْدُ كُلُّهُ، وَإِلَيْكَ يَرْجِعُ
الْأَمْرُ كُلُّهُ»

«اے اللہ! ساریاں تعریفاں تیرے لئی نیں، تے سارا
معاملہ واپس تیرے ول ای پلٹ کے جاندا اے»۔

«اللَّهُمَّ رَبَّنَا لَكَ الْحَمْدُ أَنْتَ قَيِّمُ السَّمَوَاتِ
 وَالْأَرْضِ، وَلَكَ الْحَمْدُ أَنْتَ رَبُّ السَّمَوَاتِ
 وَالْأَرْضِ وَمَنْ فِيهِنَّ، وَلَكَ الْحَمْدُ أَنْتَ نُورُ
 السَّمَوَاتِ وَالْأَرْضِ وَمَنْ فِيهِنَّ، أَنْتَ الْحَقُّ،
 وَقَوْلُكَ الْحَقُّ، وَوَعْدُكَ الْحَقُّ، وَلِقَاؤُكَ
 الْحَقُّ، وَالْجَنَّةُ حَقٌّ، وَالنَّارُ حَقٌّ، (وَالنَّبِيُّونَ
 حَقٌّ، وَمُحَمَّدٌ صَلَّى اللَّهُ عَلَيْهِ وَسَلَّمَ حَقٌّ)
 وَالسَّاعَةُ حَقٌّ، اللَّهُمَّ لَكَ أَسْلَمْتُ، وَبِكَ
 آمَنْتُ، وَعَلَيْكَ تَوَكَّلْتُ، (وَإِلَيْكَ أَنْبَتُ)
 وَإِلَيْكَ خَاصَمْتُ، وَبِكَ حَاكَمْتُ، فَاعْفِرْ
 لِي مَا قَدَّمْتُ وَمَا أَخَّرْتُ، وَأَسْرَرْتُ

وَأَعْلَنْتُ، وَمَا أَنْتَ أَعْلَمُ بِهِ مِنِّي، (أَنْتَ
الْمُقَدَّمُ، وَأَنْتَ الْمُؤَخَّرُ) لَا إِلَهَ إِلَّا أَنْتَ»

اے اللہ، ساڈے رب! ساریاں تعریفاں تیرے لئی
نیں، توں ای آسماناں تے زمین نوں سنبھالیا ہویا اے،
ساریاں تعریفاں تیرے لئی نہیں، توں آسماناں تے زمین
تے جو کچھ وی اوہناں دے وچ اے اوہناں دا رب
ایں، توں حق ایں، تیری گل حق اے، تیرا وعدہ حق
اے، تیری ملاقات حق اے، جنت حق اے، دوزخ
حق اے، سارے نبی حق نہیں، محمد ﷺ حق نہیں، تے
قیامت حق اے، اے اللہ! میں تیرا فرماں بردار ہناں،
میں تیرے اُتے ایمان لیاناں، میں تیرے اُتے بھروسہ
کرناں، میں تیرے ول رجوع کرناں، میں جھگڑے
دے وچ تینوں ای فیصلہ کرن والا بنانا، توں میرے
پچھلے تے اگلے، لکد کے کیتے ہوئے تے کھلم کھلا کیتے

ہوئے، تے اوہ سب گناہ معاف کر دے جنہاں نوں
توں میرے نالوں زیادہ جاننا اے۔ توں ای اگے کرن
والا تے توں ای کچھے کرن والا ایں، تیرے علاوہ کوئی
معبود برحق نہیں۔



﴿اللَّهُمَّ مَلِكَ الْمُلْكِ تُؤْتِي الْمُلْكَ مَنْ تَشَاءُ
 وَتَنْزِعُ الْمُلْكَ مِمَّنْ تَشَاءُ وَتُعِزُّ مَنْ تَشَاءُ
 وَتُذِلُّ مَنْ تَشَاءُ بِيَدِكَ الْخَيْرُ إِنَّكَ عَلَىٰ كُلِّ
 شَيْءٍ قَدِيرٌ ﴿٢٦﴾ تُوَلِّجُ اللَّيْلَ فِي النَّهَارِ وَتُوَلِّجُ
 النَّهَارَ فِي اللَّيْلِ وَتُخْرِجُ الْحَيَّ مِنَ الْمَيِّتِ
 وَتُخْرِجُ الْمَيِّتَ مِنَ الْحَيِّ وَتَرزُقُ مَنْ تَشَاءُ
 بِغَيْرِ حِسَابٍ ﴿٢٧﴾﴾ [آل عمران: ٢٦-٢٧]

اے اللہ! اے بادشاہی دے مالک! توں جنہوں
 چاہندا ایں بادشاہی دے دیناں ایں، تے جہدے
 کولوں چاہندا ایں بادشاہی واپس لے لینا ایں، توں
 جنہوں چاہندا ایں عزت دے دیناں ایں، تے جنہوں

چاہندا ایں رسوا کر دیناں ایں، ساری دی ساری
 بھلائی تیرے ہتھ وچ اے، کوئی شک نہیں کہ توں
 ہر چیز تے قادر ایں۔ (26) توں رات نوں دن وچ
 داخل کردا ایں، تے دن نوں رات وچ داخل کر
 دا ایں، توں مرے ہوئے وچوں زندہ نوں کڈ دینا
 ایں، تے زندہ وچوں مردہ نوں کڈ دینا ایں، تے
 توں جنہوں چاہندا ایں بے حساب رزق دے دینا
 ایں۔ (27)

(سورت آل عمران دیاں دو آیتاں (26-27)، پہلی
 آیت دے شروع وچ لفظ (قُل) نوں جان بچھ کے
 ختم کر دتا گیا اے، ایس لئی کہ دعا دے شروع ہون
 دی طرف اشارہ ہو سکے)

«اللَّهُمَّ رَبَّ السَّمَوَاتِ وَرَبَّ الْأَرْضِ وَرَبَّ
 الْعَرْشِ الْعَظِيمِ، رَبَّنَا وَرَبَّ كُلِّ شَيْءٍ، فَالِقَ
 الْحَبِّ وَالنَّوَى، وَمُنزِلَ التَّوْرَةِ وَالْإِنْجِيلِ
 وَالْفُرْقَانِ، أَعُوذُ بِكَ مِنْ شَرِّ كُلِّ شَيْءٍ
 أَنْتَ آخِذٌ بِنَاصِيَتِهِ، اللَّهُمَّ أَنْتَ الْأَوَّلُ
 فَلَيْسَ قَبْلَكَ شَيْءٌ، وَأَنْتَ الْآخِرُ فَلَيْسَ
 بَعْدَكَ شَيْءٌ، وَأَنْتَ الظَّاهِرُ فَلَيْسَ فَوْقَكَ
 شَيْءٌ، وَأَنْتَ الْبَاطِنُ فَلَيْسَ دُونَكَ شَيْءٌ،
 اقْضِ عَنَّا الدَّيْنَ، وَأَغْنِنَا مِنَ الْفَقْرِ»

اے اللہ! آسماناں تے زمین دیا ربا! تے عرشِ عظیم
 دیا ربا، ساڈیا ربا تے ہر چیز دیا ربا! بچ تے گٹک

نوں پھاڑن والیا! توریت تے انجیل تے فرقان نوں
 اتارن والیا! میں ہر اوس چیز دے شر توں تیری پناہ
 منگنا جہدا متھا تیرے قبضے وچ اے۔ اے اللہ! توں
 سب توں پہلے ایں، تیرے توں پہلے کوئی چیز نسئیں
 سی، توں سب توں اخیر والا ایں، تیرے بعد کوئی
 چیز نسئیں، توں ظاہر ایں، تیرے توں اُتے کوئی چیز
 نسئیں، تے توں ای باطن ایں، تیرے توں پرے کوئی
 چیز نسئیں، ساڈے ولوں توں ساڈا اقرضہ ادا کر دے،
 تے سانوں غریبی توں چھٹکارا دے دے۔

6

«اللَّهُمَّ إِنِّي أَشْهَدُكَ وَأَشْهَدُ مَلَائِكَتَكَ
وَحَمَلَةَ عَرْشِكَ، وَأَشْهَدُ مَنْ فِي السَّمَاوَاتِ
وَمَنْ فِي الْأَرْضِ، أَنَّكَ أَنْتَ اللَّهُ لَا إِلَهَ إِلَّا
أَنْتَ وَحْدَكَ لَا شَرِيكَ لَكَ، وَأَشْهَدُ أَنَّ
مُحَمَّدًا عَبْدُكَ وَرَسُولُكَ»

«یا اللہ! میں تینوں گواہ بنانا، تے میں تیرے
فرشتیاں نوں تے تیرے عرش نوں چکن والیاں نوں
گواہ بنانا، میں اوہناں ساریاں نوں گواہ بنانا جیہڑے
آسماناں تے زمین وچ نیں، ایس گل دے اُتے کہ
توں ای اللہ ایس، اکلا توں ای معبود ایس، تیرا کوئی
شریک نہیں، تے میں گواہی دیناں کہ محمد (ﷺ)
تیرے بندے تے رسول نیں»۔

«اللَّهُمَّ إِنِّي أَسْأَلُكَ بِأَنِّي أَشْهَدُ أَنَّكَ أَنْتَ اللَّهُ
لَا إِلَهَ إِلَّا أَنْتَ الْأَحَدُ الصَّمَدُ، الَّذِي لَمْ يَلِدْ
وَلَمْ يُولَدْ وَلَمْ يَكُنْ لَهُ كُفُوًا أَحَدٌ»

یا اللہ! میں ایس گل نال تیرے کولوں سوال کرناں
کہ میں گواہی دیناں کہ توں ای اللہ ایس، تیرے سوا
کوئی معبود نئیں، توں اکلاتے بے نیاز ایس، جنہے نہ
کسے نوں جمیا تے نہ اوہنوں کسے نے جمیا، تے کوئی
وی اوہدے ورگا نئیں۔

(حدیث وچ آیا اے کہ ایہہ دعا اللہ دا اسم اعظم اے، جہدے
نال جدوں اوہدے کولوں دعا کیتی جاندی اے تے اوہ اوہنوں
قبول کردا اے، تے جدوں اوہدے کولوں ایہدے نال منگیا
جاندا اے توں اوہ عطا کر دا اے)

«لَا إِلَهَ إِلَّا اللَّهُ الْعَظِيمُ الْحَلِيمُ، لَا إِلَهَ إِلَّا اللَّهُ رَبُّ الْعَرْشِ الْعَظِيمِ، لَا إِلَهَ إِلَّا اللَّهُ رَبُّ السَّمَاوَاتِ وَرَبُّ الْأَرْضِ وَرَبُّ الْعَرْشِ الْكَرِيمِ»

اللہ دے علاوہ کوئی معبود نہیں، اوہ اللہ جیہڑا عظیم تے بردبار اے، اللہ توں سوا کوئی معبود نہیں جیہڑا عرشِ عظیم دا رب اے، اللہ توں سوا کوئی معبود نہیں، جیہڑا آسماناں دا رب اے، زمین دا رب اے، تے عرشِ کریم دا رب اے۔

(ایہہ دکھ تے غم دیاں دعاواں وچوں اک دعا اے)



«اللَّهُ، اللَّهُ رَبِّي لَا أُشْرِكُ بِهِ شَيْئًا»

(اللہ، اللہ ای میرا رب اے، میں اوہدے نال کسے
چیز نوں شریک نہیں کردا)

(ایہہ دکھ تے غم دیاں دعاواں وچوں اک دعا اے)



«لَا إِلَهَ إِلَّا اللَّهُ وَحْدَهُ لَا شَرِيكَ لَهُ، اللَّهُ
أَكْبَرُ كَبِيرًا، وَالْحَمْدُ لِلَّهِ كَثِيرًا، سُبْحَانَ
اللَّهِ رَبِّ الْعَالَمِينَ، لَا حَوْلَ وَلَا قُوَّةَ إِلَّا
بِاللَّهِ الْعَزِيزِ الْحَكِيمِ»

اک اللہ دے سوا کوئی معبود نئیں، اوہدا کوئی شریک
نئیں، اللہ بہت وڈا اے، تے اللہ دیاں بہت ساریاں
تعریفاں نیں، میں اوس اللہ دی پاکی بیان کرناں
جیسرٹا سارے جہاناں دا رب اے، اوس زبردست
تے حکمت والے اللہ دی مدد دے بغیر نہ کسے برائی
توں بچیا جاسکدا اے، تے ناں ای کسے نیکی نوں کرن
دی طاقت ای حاصل ہندی اے۔



«لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ
الْمُلْكُ، وَلَهُ الْحَمْدُ، وَهُوَ عَلَى كُلِّ شَيْءٍ
قَدِيرٌ، سُبْحَانَ اللَّهِ، وَالْحَمْدُ لِلَّهِ، وَلَا إِلَهَ
إِلَّا اللَّهُ، وَاللَّهُ أَكْبَرُ، وَلَا حَوْلَ وَلَا قُوَّةَ إِلَّا
بِاللَّهِ الْعَلِيِّ الْعَظِيمِ»

«اگلے تے اک اللہ دے سوا کوئی معبود نہیں، اوہدا
کوئی شریک نہیں، ساری بادشاہت اوہدی اے،
ساریاں تعریفاں وی اوہدے لئی نہیں، تے اوہ ہر
چیز تے قادر اے۔ میں اللہ دی پاکی بیان کر داں،
ساریاں تعریفاں اوہدے لئی نہیں، اللہ دے سوا کوئی
معبود نہیں، اللہ بہت وڈا اے، اوس برتر تے عظمت

والے اللہ دی مدد توں بغیر نہ کسے برائی توں بچیا
جا سکدا اے، تے ناں ای کسے نیکی نوں کرن دی
طاقت ای حاصل ہندی اے۔»



«لَا إِلَهَ إِلَّا اللَّهُ وَحْدَهُ، أَنْجَزَ وَعَدَّهُ، وَنَصَرَ
عَبْدَهُ، وَهَزَمَ الْأَحْزَابَ وَحْدَهُ»

«اگلے اللہ دے سوا کوئی معبود نہیں، اوہنے اپنا وعدہ
پورا کر دتا، اپنے بندے دی اوہنے مدد کیتی، تے
ساریاں جماعتاں نوں اوہنے اگلے نے ای ہرا دتا۔»

«اللَّهُمَّ أَنْتَ رَبِّي لَا إِلَهَ إِلَّا أَنْتَ، خَلَقْتَنِي
وَأَنَا عَبْدُكَ، وَأَنَا عَلَى عَهْدِكَ وَوَعْدِكَ مَا
اسْتَطَعْتُ، أَعُوذُ بِكَ مِنْ شَرِّ مَا صَنَعْتُ،
أَبُوءُ لَكَ بِنِعْمَتِكَ عَلَيَّ، وَأَبُوءُ لَكَ بِذَنْبِي
فَاغْفِرْ لِي، فَإِنَّهُ لَا يَغْفِرُ الذُّنُوبَ إِلَّا أَنْتَ»

یا اللہ! توں میرا رب ایں، تیرے سوا کوئی معبود
نئیں، توں مینوں پیدا کیتا، تے میں تیرا بندا آں،
میں جتھوں تک میرے کولوں ہو سکدا اے تیرے
نال کیتے عہد، تے تیرے نال کیتے وعدے دا پابند
آں۔ میں جو کچھ بُرائی کیتی اے، اوہدے شر توں
میں تیری پناہ منگنا، میرے اُتے تیرا جو احسان اے،

میں اوہنوں تسلیم کرداں، تے میں تیرے سامنے
اپنے گناہ دا اعتراف کرداں، توں بس مینوں بخش
دے، تیرے سوا کوئی وی گناہواں دی بخشش نہیں
کر سکا۔

«اللَّهُمَّ إِنِّي أَسْأَلُكَ بِأَنَّ لَكَ الْحَمْدُ، لَا إِلَهَ إِلَّا أَنْتَ الْمَنَّانُ، بَدِيعُ السَّمَوَاتِ وَالْأَرْضِ، يَا ذَا الْجَلَالِ وَالْإِكْرَامِ، يَا حَيُّ يَا قَيُّوْمُ»

اے اللہ! میں ایس گل نال تیرے کولوں منگنا کہ ساریاں تعریفیاں تیرے لئی نیں، تیرے توں علاوہ کوئی معبود نئیں، توں بہت ای احسان کرن والا ایں تے آسماناں تے زمین نوں پیدا کرن والا ایں۔ اے عظمت و اکرام والیا، اے حی و قیوم!

(حدیث و بیج آیا اے کہ ایہہ دعا اللہ دا اسم اعظم اے جہدے نال جدوں اوہدے کولوں دعا کیتی جاندی اے تے اوہ ایہنوں قبول کردا اے تے جدوں اوہدے توں ایہدے نال منگیا جاندا اے توں اوہ عطا کر دا اے)

15

«سُبْحَانَكَ مَا أَعْظَمَكَ رَبَّنَا»

«میں تیری پاکی بیان کرداں، ساڈیا ربا! توں کنناں
عظیم ایں!»

16

«سُبْحَانَ ذِي الْجَبْرُوتِ وَالْمَلَائِكَةِ
وَالْكِبْرِيَاءِ وَالْعَظَمَةِ»

(پاکی اے اوس ذات دی جہدے کول بہت زیادہ
طاقت اے، جہدی بادشاہت بہت وڈی اے، اوہ
ذات جیسرٹی کبریائی تے عظمت والی اے)



«اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ ذُو الْمَلَكُوتِ
وَالْجَبْرُوتِ وَالْكِبْرِيَاءِ وَالْعِظْمَةِ»

اللہ ہر چیز توں وڈا اے، اوہ بڑی طاقت والا، بہت
وڈی بادشاہت والا، تے کبریائی تے عظمت والا
اے۔ (اللہ اکبر تن واری کہیا جاوے)



«اللَّهُ أَكْبَرُ كَبِيرًا، وَالْحَمْدُ لِلَّهِ كَثِيرًا،
وَسُبْحَانَ اللَّهِ بُكْرَةً وَأَصِيلًا»

«اللہ ہر چیز توں وڈا اے، میں اوہدی بہت ساری
وڈیائی بیان کرداں، سب تے بہت ساریاں تعریفاں
اللہ لئی نیں، تے صبح شام میں اللہ دی پاکی بیان
کرناں»۔

دعا منگن والے لئی چنگا اے کہ اوہ اللہ تعالیٰ
دی ثناء توں بعد نبی ﷺ تے درود پڑھے:

«اللَّهُمَّ صَلِّ وَسَلِّمْ عَلَى مُحَمَّدٍ وَعَلَى آلِ
مُحَمَّدٍ، كَمَا صَلَّيْتَ عَلَى إِبْرَاهِيمَ،
وَعَلَى آلِ إِبْرَاهِيمَ، إِنَّكَ حَمِيدٌ مَّجِيدٌ»

اے اللہ! توں رحمتاں تے سلامتی کر محمد اُتے تے
محمد دی آل اُتے، جداں تو رحمتاں کیتیاں ابراہیم
اُتے تے ابراہیم دی آل اُتے، کوئی شک نسئیں کہ
توں بڑا تعریفاں والا تے بزرگی والا ایں۔

صحیح الدعاء والشفاء علی اللہ تعالیٰ



قرآن
دیاں دعاواں





﴿حَسْبِيَ اللَّهُ لَا إِلَهَ إِلَّا هُوَ عَلَيْهِ
تَوَكَّلْتُ وَهُوَ رَبُّ الْعَرْشِ الْعَظِيمِ﴾

[التوبة: ۱۲۹]

(میرے لئی اللہ ای کافی اے، صرف اوہی معبود
اے، میں اوہدے اتے بھروسہ کرناں، تے اوہ
عرشِ عظیم دا مالک اے۔) (التوبة: 129)

2

﴿لَا إِلَهَ إِلَّا أَنْتَ سُبْحَانَكَ إِنِّي كُنْتُ

مِنَ الظَّالِمِينَ﴾ ﴿٨٧﴾ [الأنبياء: ٨٧]

تیرے سوا کوئی معبود نہیں، تیری ذات پاک اے،
میرے کولوں ای قصور ہو یا سی۔ (الأنبياء: 87)

3

﴿رَبِّ اجْعَلْنِي مُقِيمَ الصَّلَاةِ وَمِنْ ذُرِّيَّتِي

رَبَّنَا وَتَقَبَّلْ دُعَاءِ﴾ ﴿٤٠﴾ [إبراهيم: ٤٠]

میریا ربا! مینوں نماز قائم کرن والا بنا دے، تے
ساڈیا ربا میری اولاد نوں وی، تے ساڈی دعا نوں قبو
ل کر۔ (إبراهيم: 40)



﴿هُنَالِكَ دَعَا زَكْرِيَّا رَبَّهُ ۖ قَالَ رَبِّ هَبْ لِي مِنْ لَدُنْكَ ذُرِّيَّةً طَيِّبَةً ۗ إِنَّكَ سَمِيعُ

الدُّعَاءِ ﴿٣٨﴾ [آل عمران: 38]

میریا ربا! مینوں اپنے کولوں نیک اولاد عطا کر دے،

توں بہت دعا سنن والا ایں۔ (آل عمران: 38)



﴿رَبَّنَا اغْفِرْ لَنَا ذُنُوبَنَا وَإِسْرَافَنَا فِي
أَمْرِنَا وَثَبِّتْ أَقْدَامَنَا وَانصُرْنَا عَلَى الْقَوْمِ
الْكَافِرِينَ﴾ ﴿١٤٧﴾ [آل عمران: ١٤٧]

ساڈیاں! توں ساڈے گناہواں نوں، تے اپنے معاملے
وچ جیسرہ اسی حد توں ود گئے آن اوہنوں معاف
کر دے، سانوں ثابت قدم رکھ، تے کافراں دے
مقابلے وچ ساڈی مدد کر۔ (آل عمران: 147)

6

﴿رَبِّ اغْفِرْ وَأَرْحَمْ وَأَنْتَ خَيْرُ

الرَّاحِمِينَ﴾ [المؤمنون: ١١٨]

میریا ربا! توں بخش دے، تے رحم کر، توں تے سب
توں بہتر رحم کرن والا ایں۔ (المؤمنون: 118)

7

﴿رَبِّ إِنِّي ظَلَمْتُ نَفْسِي فَاغْفِرْ لِي﴾

[القصص: ١٦]

ربا! میں اپنے آپ تے ظلم کیتا اے، توں مینوں
بخش دے۔ (القصص: 16)



﴿رَبَّنَا أفرِغْ عَلَيْنَا صَبْرًا وَثَبِّتْ أقدامَنَا
وَأنصُرْنَا عَلَى الْقَوْمِ الْكافِرِينَ﴾ (٢٥٠)

[البقرة: ٢٥٠]

ساڈیا ربا! ساڈے اُتے صبر ڈول دے، تے سانوں
ثابت قدمی دے، تے سانوں کافر لوکاں دے
مقابلے وچ مدد دے۔ (البقرة: 250)



﴿رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا
وَهَبْ لَنَا مِنْ لَدُنْكَ رَحْمَةً إِنَّكَ أَنْتَ

الْوَهَّابُ﴾ [آل عمران: ۸]

ساڈیا ربا! سانوں ہدایت دین توں بعد ساڈے دلاں
نوں اوس توں پھیر ی ناں، سانوں اپنے کولوں
رحمت عطا کر، توں تے بہت زیادہ عطا کرن والا
ایں۔ (آل عمران: ۸)

10

﴿رَبِّ اشْرَحْ لِي صَدْرِي ﴿٢٥﴾ وَيَسِّرْ لِي

أَمْرِي ﴿٢٦﴾﴾ [طہ: ۲۵-۲۶]

میریا ربا! میرا سینہ کھول دے، تے میرا کم
میرے لئی آسان کر دے۔ (طہ: 25-26)

11

﴿مَسَّنِيَ الضُّرُّ وَأَنْتَ أَرْحَمُ الرَّاحِمِينَ ﴿٨٣﴾﴾

[الأنبياء: ۳۸]

میںوں روگ لگ گیا اے، تے توں رحم کرنے
والیاں وچوں سب توں زیادہ رحم کرن والا ایں۔
(الأنبياء: 83)



﴿رَبِّ أَعُوذُ بِكَ مِنْ هَمَزَاتِ الشَّيْطَانِ﴾^{٩٧}
 ﴿وَأَعُوذُ بِكَ رَبِّ أَنْ يَحْضُرُونِ﴾^{٩٨}

[المؤمنون: ٩٧-٩٨]

میریا ربا! میں شیطاناں دے وسوسیاں توں تیری
 پناہ منگنا، تے میں ایس توں تیری پناہ دے
 وچ آوناں کہ اوہ میرے کول آون۔ (المؤمنون:

(97-98)

13

﴿رَبَّنَا أَصْرِفْ عَنَّا عَذَابَ جَهَنَّمَ إِنَّ

عَذَابَهَا كَانَ غَرَامًا﴾ [الفرقان: ۶۵]

ساڈیا ربا! ساڈے توں جہنم دا عذاب پرے کر دے،
کوئی شک نہیں کہ اوہدا عذاب چمبڑ جان والا اے۔

(الفرقان: 65)



﴿وَسِعَ رَبُّنَا كُلَّ شَيْءٍ عِلْمًا عَلَى اللَّهِ تَوَكَّلْنَا
رَبُّنَا أَفْتَحْ بَيْنَنَا وَبَيْنَ قَوْمِنَا بِالْحَقِّ وَأَنْتَ
خَيْرُ الْفَاتِحِينَ﴾ [الأعراف: ۸۹]

ساڈے رب دا علم ہر چیز تے حاوی اے، اللہ تے
ای اسی توکل کرنے آں، ساڈیا ربا! ساڈے تے
ساڈی قوم دے درمیان حق دے نال فیصلہ کر
دے، توں ای سب توں چنگا فیصلہ کرن والا ایں۔
(الأعراف: 89)

15

﴿أَرْزُقْنَا وَأَنْتَ خَيْرُ الرَّازِقِينَ﴾

[المائدة: ۱۱۴]

توں سانوں رزق دے، توں ای سب توں چنگا
رزق دین والا ایں۔ (المائدة: 114)

16

﴿رَبَّنَا آتِنَا مِنْ لَدُنْكَ رَحْمَةً وَهَيِّئْ لَنَا

مِنْ أَمْرِنَا رَشَدًا﴾ [الكهف: ۱۰]

رہا! سانوں اپنی خاص رحمت دے نال نواز، تے
ساڈا معاملہ ٹھیک کر دے۔ (الكهف: 10)

17

﴿رَبِّ هَبْ لِي حُكْمًا وَأَلْحِقْنِي

بِالصَّالِحِينَ﴾ [الشعراء: ۸۳]

میریا ربا! مینوں حکم عطا کر، تے مینوں نیک
لوکاں دے نال ملا دے۔ (الشعراء: 83)

18

﴿رَبِّ زِدْنِي عِلْمًا﴾ [طہ: ۱۱۴]

میریا ربا! مینوں علم دے وچ ہور ودھا دے۔
(طہ: 114)

19

﴿رَبِّ إِنِّي لِمَا أَنْزَلْتَ إِلَيَّ مِنْ خَيْرٍ

فَقِيرٌ﴾ ﴿٢٤﴾ [القصص: ٢٤]

میریا ربا! توں جو کچھ وی خیر میرے لئی اتاری
اے، میں اوہدا محتاج آں۔ (القصص: 24)



﴿رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا
قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا﴾ (۷۴)

[الفرقان: ۷۴]

ساڈیا ربا! سانوں ساڈیاں بیویاں تے ساڈی اولاد
ولوں اکھاں دی ٹھنڈک عطا کر، تے سانوں متقی
لوکاں دا پیشوا بنا۔ (الفرقان: 74)



﴿رَبِّ أَوْزِعْنِي أَنْ أَشْكُرَ نِعْمَتَكَ الَّتِي
أَنْعَمْتَ عَلَيَّ وَعَلَىٰ وَالِدَيَّ وَأَنْ أَعْمَلَ
صَالِحًا تَرْضَاهُ وَأَدْخِلْنِي بِرَحْمَتِكَ فِي
عِبَادِكَ الصَّالِحِينَ﴾ [النمل: ١٩]

ساڈیا ربا! مینوں ایس دی توفیق دے کہ میں اوہناں
احساناں تے تیرا شکر دا کراں جیسرے توں میرے
اُتے، تے میرے ماں پپو تے کیتے، تے مینوں ایس
گل دی توفیق دے کہ میں ایویں دا نیک کم کراں
جیسرے تینوں چنگا لگے، تے مینوں اپنی رحمت نال
اپنے نیک بندیاں وچ شامل کر دے۔ (النمل: 19)



﴿رَبَّنَا تَقَبَّلْ مِنَّا إِنَّكَ أَنْتَ السَّمِيعُ
الْعَلِيمُ﴾ ﴿١٢٧﴾ ﴿وَتُبَّ عَلَيْنَا إِنَّكَ أَنْتَ

التَّوَّابُ الرَّحِيمُ﴾ ﴿١٢٨﴾ [البقرة: ١٢٧-١٢٨]

ساڈیا ربا! ساڈی دعا قبول کر، توں بڑا ای سنن والا
تے بڑا ای علم رکھن والا ایں۔ توں ساڈی توبہ قبول
کر، ایس گل وچ کوئی شک نہیں کہ توں بڑا ای
توبہ قبول کرن والا تے بڑا ای رحم کرنا والا ایں۔

(البقرة: 127، 128)



صحیح الدعاء والثناء علی اللہ تعالیٰ

نماز دیاں
کچھ دعاواں

1

«اللَّهُمَّ بَاعِدْ بَيْنِي وَبَيْنَ خَطَايَايَ كَمَا بَاعَدْتَ
بَيْنَ الْمَشْرِقِ وَالْمَغْرِبِ، اللَّهُمَّ نَقِّنِي مِنْ خَطَايَايَ
كَمَا يُنَقِّي الثَّوْبُ الْأَبْيَضُ مِنَ الدَّنَسِ، اللَّهُمَّ
اغْسِلْنِي مِنْ خَطَايَايَ بِالثَّلْجِ وَالْمَاءِ وَالْبَرَدِ»

یا اللہ! توں میرے تے میرے گناہواں وچ ایس
طراں دوری کر دے جس طراں توں مشرق تے
مغرب دے وچ دوری کیتی اے۔ یا اللہ! توں
میرے گناہواں نوں ایویں صاف کر دے جس طراں
چٹے کپڑے توں میل صاف کیتی جاندی اے۔ یا اللہ!
توں میرے گناہواں نوں پانی، برف تے اولیاں نال
دھو دے۔

ایہہ نماز نوں شروع کرن دیاں دعاواں وچوں اک
دعا اے



«اللَّهُمَّ رَبَّ جِبْرَائِيلَ، وَمِيكَائِيلَ،
وَأِسْرَافِيلَ، فَاطِرَ السَّمَاوَاتِ وَالْأَرْضِ،
عَالِمَ الْغَيْبِ وَالشَّهَادَةِ، أَنْتَ تَحْكُمُ بَيْنَ
عِبَادِكَ فِيمَا كَانُوا فِيهِ يَخْتَلِفُونَ، اهْدِنِي
لِمَا اخْتَلَفَ فِيهِ مِنَ الْحَقِّ بِإِذْنِكَ، إِنَّكَ
تَهْدِي مَنْ تَشَاءُ إِلَى صِرَاطٍ مُسْتَقِيمٍ»

یا اللہ! جبرائیل، میکائیل تے اسرافیل دیا ربا! زمین
تے آسمان نوں پیدا کرن والیا، غائب تے موجود دا
علم رکھن والیا! توں ای اپنے بندیاں دے درمیان
پیدا ہو جان والے اختلافاں دا فیصلہ کرنا ایس، حق
دے معاملے وچ جو وی اختلاف اے اوہدے وچ

توں اپنے حکم نال میری رہنمائی کر، کوئی شک نہیں
 کہ توں جنہوں چاہندا ایں سدھا رستہ دکھا دیناں
 ایں۔

ایہہ نماز دے شروع دیاں دعاواں وچوں اک دعا
 اے، خاص طور تے تہجد دی نماز وچ، ایہنوں اوس
 ویلے منگیا جاندا اے جدوں حق غیر واضح ہو جاوے
 تے دل وچ شبہ آ جاوے۔

«وَجَّهْتُ وَجْهِيَ لِلَّذِي فَطَرَ السَّمَاوَاتِ وَالْأَرْضَ حَنِيفًا، وَمَا أَنَا مِنَ الْمُشْرِكِينَ، إِنَّ صَلَاتِي، وَنُسُكِي، وَمَحْيَايَ، وَمَمَاتِي لِلَّهِ رَبِّ الْعَالَمِينَ، لَا شَرِيكَ لَهُ، وَبِذَلِكَ أُمِرْتُ وَأَنَا مِنَ الْمُسْلِمِينَ، اللَّهُمَّ أَنْتَ الْمَلِكُ لَا إِلَهَ إِلَّا أَنْتَ أَنْتَ رَبِّي، وَأَنَا عَبْدُكَ، ظَلَمْتُ نَفْسِي، وَاعْتَرَفْتُ بِذَنْبِي، فَاعْفِرْ لِي ذُنُوبِي جَمِيعًا، إِنَّهُ لَا يَغْفِرُ الذُّنُوبَ إِلَّا أَنْتَ، وَاهْدِنِي لِأَحْسَنِ الْأَخْلَاقِ لَا يَهْدِي لِأَحْسَنِهَا إِلَّا أَنْتَ، وَاصْرِفْ عَنِّي سَيِّئَهَا لَا يَصْرِفْ عَنِّي سَيِّئَهَا إِلَّا أَنْتَ، لَبَّيْكَ وَسَعْدَيْكَ وَالْخَيْرُ كُلُّهُ فِي يَدَيْكَ، وَالشَّرُّ لَيْسَ إِلَيْكَ، أَنَا بِكَ وَإِلَيْكَ، تَبَارَكْتَ وَتَعَالَيْتَ، أَسْتَغْفِرُكَ وَأَتُوبُ إِلَيْكَ»

میں اپنا رخ پوری طرح اوس ہستی ول کرناں جس نے آسماناں تے زمین نوں پیدا کیتا، تے میں شرک کرن والیاں وچوں نئیں۔ میری نماز، میری قربانی، میری زندگی تے میری موت اللہ لئی اے جیسڑا سارے جہاناں دا رب اے، اوہدا کوئی شریک نئیں، مینوں ایدا ای حکم دتا گیا اے تے میں حکم منن والیا وچوں آں۔ میریا اللہ! توں بادشاہ ایں، تیرے علاوہ کوئی معبود نئیں، توں میرا رب ایں، تے میں تیرا بندا آں، میں اپنے آپ تے ظلم کیتا، میں اپنے گناہ دا اعتراف کرناں، میرے ساریاں گناہواں نوں معاف کر دے، تیرے سوا ہور کوئی وی نئیں جیسڑا گناہواں نوں معاف کر دا ہووے۔ توں چنگے اخلاق ول میری رہنمائی کر، تیرے سوا کوئی وی اوہناں ول رہنمائی نئیں کردا، برے اخلاق میرے توں دور

کر دے، تیرے سوا کوئی ہور بُرے اخلاقاں نوں
میرے توں دور نئیں کر سکدا۔ اللہ! میں حاضر آں،
تے میں تیرا فرماں بردار آں، خیر ساری دی ساری
تیرے ہتھوں وچ اے، تے شر دی نسبت تیرے
ول نئیں کیتی جاندی، میرا وجود تیری وجہ نال اے
، تے میں تیرے ای سپرد آں، تیریاں برکتاں بہت
زیادہ تے توں بہت ای بلند ایں، میں تیرے کولوں
بخشش منگنا، تے میں تیرے توں توبہ کرداں۔

ایہہ نماز دے شروع دیاں دعاواں وچوں اک دعا
اے، خاص طور تے تہجد دی نماز وچ



«سُبْحَانَكَ اللَّهُمَّ رَبَّنَا وَبِحَمْدِكَ اللَّهُمَّ
اغْفِرْ لِي»

یا اللہ ! ساڈیا ربا! اسی تیری حمد دے نال تیری
پاکیزگی بیان کرنے آں، اللہ! توں میری مغفرت کر
دے۔

ایہہ اک ایسی دعا اے جنہوں رکوع تے سجدے وچ
منگنا مشروع اے

«اللَّهُمَّ أَعُوذُ بِرِضَاكَ مِنْ سَخَطِكَ، وَبِمُعَافَاتِكَ
مِنْ عُقُوبَتِكَ، وَأَعُوذُ بِكَ مِنْكَ لَا أُحْصِي
ثَنَاءً عَلَيْكَ أَنْتَ كَمَا أَثْنَيْتَ عَلَيَّ نَفْسِكَ»

یا اللہ! میں تیری رضا دے صدقے تیرے غضب
توں پناہ منگنا، میں تیری عافیت دے ذریعے تیری
سزا توں پناہ منگنا، میں تیری حق تلفی توں تیری پناہ
منگنا، میں تیری ثنا دا شمار نہیں کر سکدا، توں اوس
طراں دا ایس جس طراں توں خود اپنی ثناء بیان
کیتی اے۔

ایس دعا نوں سجدے وچ منگنا مشروع اے

6

«اللَّهُمَّ اغْفِرْ لِي ذَنْبِي كُلَّهُ دِقَّةً، وَجِلَّةً،
وَأَوَّلَهُ وَآخِرَهُ وَعَلَانِيَتَهُ وَسِرَّهُ»

یا اللہ! توں میرے چھوٹے وڈے، تے اگلے تے
پچھلے، تے لک کے کیتے ہوئے تے کھلم کھلا کیتے
سارے گناہواں نوں بخش دے۔

ایس دعا نوں سجدے وچ منگنا مشروع اے

«اللَّهُمَّ اجْعَلْ لِي فِي قَلْبِي نُورًا، وَفِي لِسَانِي
نُورًا، وَفِي سَمْعِي نُورًا، وَفِي بَصَرِي نُورًا،
وَمِنْ فَوْقِي نُورًا، وَمِنْ تَحْتِي نُورًا، وَعَنْ
يَمِينِي نُورًا، وَعَنْ شِمَالِي نُورًا، وَمِنْ بَيْنِ
يَدَيَّ نُورًا، وَمِنْ خَلْفِي نُورًا، وَاجْعَلْ فِي
نَفْسِي نُورًا، وَأَعْظِمْ لِي نُورًا»

اللہ! توں میرے لئی میرے دل وچ نور پیدا
کردے، میری زبان وچ نور پیدا دے، میری سماعت
وچ نور پیدا کر دے، میری اکھ وچ نور رکھ دے،
میرے اُتے نور کر دے، میرے تھلے نور کر دے،
میرے سجے نور کر دے، میرے کھبے نور کر دے،

میرے سامنے نور کر دے، میرے نفس وچ نور
کر دے، تے میرے نور نوں میرے لئی زیادہ کر
دے۔

ایس دعا نوں سجدے وچ منگنا مشروع اے، خاص
طور تے نماز تہجد وچ



«اللَّهُمَّ إِنِّي أَعُوذُ بِكَ مِنْ عَذَابِ جَهَنَّمَ،
وَمِنْ عَذَابِ الْقَبْرِ، وَمِنْ فِتْنَةِ الْمَحْيَا
وَالْمَمَاتِ، وَمِنْ شَرِّ فِتْنَةِ الْمَسِيحِ الدَّجَالِ»
یا اللہ! میں تیرے کولوں جہنم دے عذاب توں،
تے قبر دے عذاب توں، تے زندگی تے موت دے
فتنے توں، تے مسیح دجال دے فتنے دے شر توں
پناہ منگنا۔

ایس دعا نوں آخری تشہد وچ سلام توں پہلے منگنا
مشروع اے



«اللَّهُمَّ أَعِنِّي عَلَى ذِكْرِكَ، وَشُكْرِكَ،
وَحُسْنِ عِبَادَتِكَ»

اللہ! میری مدد کر ایس گل وچ کہ میں تیرا ذکر
کراں، تیرا شکر کراں، تے تیری چنگی طراں عبادت
کراں۔

ایس دعا نوں آخری تشہد وچ سلام توں پہلے منگنا
مشروع اے



«اللَّهُمَّ اغْفِرْ لِي مَا قَدَّمْتُ وَمَا أَخَّرْتُ،
وَمَا أَسْرَرْتُ وَمَا أَعْلَنْتُ، وَمَا أَسْرَفْتُ،
وَمَا أَنْتَ أَعْلَمُ بِهِ مِنِّي، أَنْتَ الْمُقَدِّمُ
وَأَنْتَ الْمُؤَخِّرُ، لَا إِلَهَ إِلَّا أَنْتَ»

اے اللہ! میرے اگلے تے پچھلے، تے جیسرے میں
لکد کے کیتے، تے جیسرے کھلم کھلا کیتے، تے جو وی
میں زیادتیاں کیتیاں، تے اوہوی جنہاں نوں توں میرے
نالوں زیادہ جاندا ایں، توں اوہناں ساریاں گناہواں نوں
بخش دے، توں ای اگے کرن والا ایں، تے توں ای پچھے
کرن والا ایں، صرف توں ای معبودِ برحق ایں۔

ایس دعا نوں آخری تشہد وچ سلام توں پہلے منگنا
مشروع اے



«اللَّهُمَّ إِنِّي أَعُوذُ بِكَ مِنَ الْمَأْثِمِ،
وَالْمَغْرَمِ»

اے اللہ! میں گناہ تے قرض وچ مبتلا ہون توں
تیری پناہ منگنا۔

ایس دعا نوں آخری تشہد وچ سلام توں پہلے منگنا
مشروع اے



«اللَّهُمَّ إِنِّي أَسْأَلُكَ الْجَنَّةَ، وَأَعُوذُ بِكَ
مِنَ النَّارِ»

اے اللہ! میں تیرے توں جنت منگنا، تے میں
دوزخ توں تیری پناہ منگنا۔

ایس دعا نوں آخری تشہد وچ سلام توں پہلے منگنا
مشروع اے

«اللَّهُمَّ إِنِّي أَعُوذُ بِكَ مِنَ الْبُخْلِ وَأَعُوذُ
بِكَ مِنَ الْجُبْنِ وَأَعُوذُ بِكَ أَنْ أُرَدَّ إِلَى أَرْدَلِ
الْعُمْرِ وَأَعُوذُ بِكَ مِنْ فِتْنَةِ الدُّنْيَا وَأَعُوذُ
بِكَ مِنْ عَذَابِ الْقَبْرِ»

یا اللہ! میں کنجوسی توں تیری پناہ منگنا، تے میں
بزدلی توں تیری پناہ منگنا، تے میں ایس گل توں
تیری پناہ منگنا کہ مینوں گھٹیا ترین عمر ول لوٹایا
جاوے، تے میں دنیا دے فتنے توں تیری پناہ منگنا،
تے میں عذابِ قبر توں تیری پناہ منگنا۔

ایس دعا نوں آخری تشہد وچ سلام توں پہلے منگنا
مشروع اے



«اللَّهُمَّ إِنِّي ظَلَمْتُ نَفْسِي ظُلْمًا كَثِيرًا وَلَا
يَغْفِرُ الذُّنُوبَ إِلَّا أَنْتَ، فَاغْفِرْ لِي مَغْفِرَةً مِنْ
عِنْدِكَ، وَارْحَمْنِي إِنَّكَ أَنْتَ الْغَفُورُ الرَّحِيمُ»

یا اللہ! میں اپنی جان تے بڑا ای ظلم کیتا، تیرے توں
علاوہ کوئی ہور گناہواں نوں معاف نہیں کردا، توں اپنے
کولوں میری مغفرت کر دے، تے میرے اُتے رحم
کر دے، ایس گل وچ کوئی شک نہیں کہ توں بہت
مغفرت کرن والا، تے بہت رحم کرن والا ایں۔

(ایس دعا نوں نماز وچ منگنا مشروع اے، ایہنوں
سجدے وچ یا فیر آخری تشہد دے بعد سلام توں پہلے
منگیا جاندا اے)

15

«اللَّهُمَّ حَاسِبِي حِسَابًا يَسِيرًا»

یا اللہ! توں میرا حساب بڑا آسان جیا لئیں۔

(ایس دعا نوں نماز وچ منگنا مشروع اے، ایہنوں

سجدے وچ یا فیر آخری تشہد دے بعد سلام توں

پہلے منگیا جاندا اے)



«رَبِّ قِنِي عَذَابَكَ يَوْمَ تَبْعَثُ عِبَادَكَ»

میریا ربا! جِدن توں اپنے بندیاں نوں اٹھاویں گا،
اوس دن توں مینوں اپنے عذاب توں بچا لوں۔

(ایس دعا نوں نماز وچ منگنا مشروع اے، ایہنوں
سجدے دے وچ یا فیر آخری تشہد دے بعد سلام
توں پہلے منگیا جاندا اے)

صحیح الدعاء والشفاء علی اللہ تعالیٰ

نبوی دعاواں (صلی علیہ وسلم)





«اللَّهُمَّ رَبَّنَا آتِنَا فِي الدُّنْيَا حَسَنَةً، وَفِي
الْآخِرَةِ حَسَنَةً، وَقِنَا عَذَابَ النَّارِ»

یا اللہ! ساڈیا ربا! توں سانوں دنیا وچ وی بھلائی
دے، تے آخرت وچ وی بھلائی دے، تے سانوں
جہنم دے عذاب توں بچا۔

نبی ﷺ زیادہ تر ایہہ دعا کردے سن



«اللَّهُمَّ اغْفِرْ لِي، وَارْحَمْنِي، وَاهْدِنِي،
وَعَافِنِي، وَارْزُقْنِي»

اے اللہ! میری بخشش کر دے، میرے تے رحم
کر، مینوں ہدایت دے، مینوں عافیت دے، تے
مینوں رزق دے۔

ایہہ ایسی دعا اے جہدے وچ دنیا تے آخرت دونواں
دیاں بھلائیاں نیں



«اللَّهُمَّ اكْفِنِي بِحَلَالِكَ عَنْ حَرَامِكَ
وَاعْنِنِي بِفَضْلِكَ عَمَّنْ سِوَاكَ»

اے اللہ! جنہاں چیزاں نوں توں حرام کیتا اے
اوہناں توں بچا کے میرے واسطے اوہناں چیزاں نوں
کافی کر دے جنہاں نوں توں حلال کیتا اے، تے
اپنے فضل دے نال مینوں اپنے علاوہ ہر کسے توں
بے نیاز کر دے۔

ایہہ قرض نوں اتارن دی دعا اے

4

«اللَّهُمَّ مُصَرِّفَ الْقُلُوبِ صَرِّفْ قُلُوبَنَا
عَلَى طَاعَتِكَ» «يَا مُقَلِّبَ الْقُلُوبِ ثَبِّتْ
قَلْبِي عَلَى دِينِكَ»

(اے اللہ! دلاں نوں پھیرن والیا، توں ساڈے
دلاں نوں اپنی اطاعت ول پھیر دے)۔ (اے دلاں
نوں الٹ پلٹ کرنا والیا! توں میرے دل نوں اپنے
دین تے جما دے)۔

ایہہ حق تے ثابت قدم رہن دی دعا اے، نبی ﷺ
زیاد تر ایہو دعا کردے سن۔

5

«اللَّهُمَّ إِنِّي أَسْأَلُكَ مِنَ الْخَيْرِ كُلِّهِ عَاجِلِهِ
 وَآجِلِهِ، مَا عَلِمْتُ مِنْهُ وَمَا لَمْ أَعْلَمْ، وَأَعُوذُ
 بِكَ مِنَ الشَّرِّ كُلِّهِ، عَاجِلِهِ وَآجِلِهِ مَا عَلِمْتُ
 مِنْهُ، وَمَا لَمْ أَعْلَمْ، اللَّهُمَّ إِنِّي أَسْأَلُكَ مِنْ
 خَيْرِ مَا سَأَلَكَ عَبْدُكَ وَنَبِيُّكَ مُحَمَّدٌ ﷺ،
 وَأَعُوذُ بِكَ مِنْ شَرِّ مَا عَاذَ مِنْهُ عَبْدُكَ
 وَنَبِيُّكَ، اللَّهُمَّ إِنِّي أَسْأَلُكَ الْجَنَّةَ وَمَا قَرَّبَ
 إِلَيْهَا مِنْ قَوْلٍ أَوْ عَمَلٍ، وَأَعُوذُ بِكَ مِنَ النَّارِ
 وَمَا قَرَّبَ إِلَيْهَا مِنْ قَوْلٍ أَوْ عَمَلٍ، وَأَسْأَلُكَ
 أَنْ تَجْعَلَ كُلَّ قَضَاءٍ تَقْضِيهِ لِي خَيْرًا»

یا اللہ! میں تیری کولوں ساری بھلائی منگنا، ہن دی وی تے آئندہ دی وی، جنہوں میں جانداں، تے جنہوں میں نئیں وی جاندا، تے میں ساری برائی توں تیری پناہ منگنا، ہن والی توں وی تے آئندہ آن والی توں وی، جنہوں میں جانداں تے جنہوں میں نئیں جاندا۔ یا اللہ! میں تیرے توں اوہ بھلائی منگنا جیسرے تیرے بندے، تے تیرے نبی محمد ﷺ نے تیرے کولوں منگی۔ میں ہر اوس برائی توں تیری پناہ منگنا جہدے توں تیرے بندے تے تیرے نبی نے پناہ منگی۔ یا اللہ! میں تیرے توں جنت منگنا تے ہر اوہ گل تے عمل منگنا جیسرے اوہدے لاگے لے جاوے، تے میں جہنم توں تیری پناہ منگنا، تے ہر اوس گل تے عمل توں پناہ منگنا جیسرے اوہدے لاگے

لے جاوے ، تے میں تیرے کولوں سوال کرناں
کہ توں میرے لئی جیسڑا وی فیصلہ کریں اوہدے
وہج میرے لئی بھلائی رکھ دوں۔

ایہہ جامع تے کامل دعاواں وچوں اک دعا اے



«يَا حَيُّ يَا قَيُّوْمُ بِرَحْمَتِكَ أَسْتَغِيْثُ، أَصْلِحْ
لِيْ شَأْنِيْ كُلَّهُ، وَلَا تَكِلْنِيْ إِلَى نَفْسِي
ظُرْفَةَ عَيْنٍ»

اے حی و قیوم! میں تیری رحمت نال مدد منگنا،
توں میرے سارے کم ٹھیک کر دے، تے توں
میںوں اک لمحے لئی وی میرے نفس دے حوالے
نہ کریں۔

ایہہ کرب تے غم دی دعا اے

«اللَّهُمَّ إِنِّي عَبْدُكَ ابْنُ عَبْدِكَ ابْنُ أُمَّتِكَ
 نَاصِيَتِي بِيَدِكَ مَاضٍ فِيَّ حُكْمُكَ عَدْلٌ
 فِيَّ قَضَاؤُكَ، أَسْأَلُكَ بِكُلِّ اسْمٍ هُوَ لَكَ
 سَمِيَتْ بِهِ نَفْسُكَ أَوْ أَنْزَلْتَهُ فِي كِتَابِكَ أَوْ
 عَلَّمْتَهُ أَحَدًا مِنْ خَلْقِكَ أَوْ اسْتَأْثَرْتَ بِهِ
 فِي عِلْمِ الْغَيْبِ عِنْدَكَ أَنْ تَجْعَلَ الْقُرْآنَ
 رَبِيعَ قَلْبِي وَنُورَ بَصَرِي وَجِلَاءَ حُزْنِي
 وَذَهَابَ هَمِّي»

یا اللہ! میں تیرا بنداں، تے میں تیرے بندے
 دا بیٹا آں، تیری بندی دا بیٹا آں، میرا متھا تیرے

ہتھ وچ اے، میرے بارے تیرا فیصلہ چلدا اے،
 میرے بارے انصاف اوہی اے جیسرّا تیرا فیصلہ
 ہووے، میں تیرے کولوں تیرے ہر اوس اسم دے
 نال منگداں جیسرّا تیرا نام اے، جہدے نال توں
 اپنا نام رکھیا اے، یا فیر جنہوں توں اپنی کتاب وچ
 نازل کیتا یا فیر اپنی مخلوق وچوں کسے نوں اوہ سکھایا
 یا فیر علم غیب وچ توں اوہنوں اپنے کول اپنے لئی
 خاص کر کے رکھیا، کہ توں قرآن نوں میرے دل
 دی بہار بنا دے، تے اوہنوں میری آکھ دا نور بنا
 دے، میرے غم نوں ہٹان والا تے میری پریشانی
 نوں دور کرن والا بنا دے۔

ایہہ پریشانی تے غم دی دعا اے



«اللَّهُمَّ لَا سَهْلَ إِلَّا مَا جَعَلْتَهُ سَهْلًا،
وَأَنْتَ تَجْعَلُ الْحَزْنَ سَهْلًا إِذَا شِئْتَ»

یا اللہ! آسان اوہی اے جنہوں توں آسان کر دوں،
توں مشکل نوں وی جدوں چاہویں آسان کر دینا
ایں۔

ایہہ کماں دے مشکل ہو جان تے اوہناں نوں
آسان کرن دی دعا اے

9

«اللَّهُمَّ إِنِّي أَسْأَلُكَ الْهُدَىٰ وَالتُّقَىٰ،
وَالْعَفَافَ وَالْغِنَى»

اے اللہ! میں تیرے کولوں ہدایت، تقویٰ،
پاکدامنی تے بے نیازی منگنا۔

10

«اللَّهُمَّ اهْدِنِي، وَسَدِّدْنِي»

اللہ! مینوں ہدایت دے، تے مینوں سدھا رکھ۔



11

«اللَّهُمَّ أَصْلِحْ لِي دِينِي الَّذِي هُوَ عِصْمَةٌ
أَمْرِي، وَأَصْلِحْ لِي دُنْيَايَ الَّتِي فِيهَا مَعَاشِي،
وَأَصْلِحْ لِي آخِرَتِي الَّتِي فِيهَا مَعَادِي،
وَاجْعَلِ الْحَيَاةَ زِيَادَةً لِي فِي كُلِّ خَيْرٍ،
وَاجْعَلِ الْمَوْتَ رَاحَةً لِي مِنْ كُلِّ شَرٍّ»

یا اللہ! میرے لئی میرا دین سنوار دے جیسے میری
آخرت دا محافظ اے، میری دنیا سنوار دے جہدے
وچ میری زندگی اے، میری آخرت سنوار دے
جہدے ول میں واپس جانا ایں، زندگی نوں میرے
لئی ہر خیر نوں زیادہ کرن دا ذریعہ بنا دے، تے
موت نوں میرے لئی ہر برائی توں آرام پا جان دا
ذریعہ کر دے۔



«اللَّهُمَّ إِنَّكَ عَفُوفٌ مُّحِبُّ الْعَفْوِ
فَاعْفُ عَنِّي»

یا اللہ! توں بڑا معاف کرن والا ایں، توں معاف کرنا
پسند کرداں ایں، توں مینوں معاف کر دے۔

«اللَّهُمَّ اقْسِمْ لَنَا مِنْ خَشِيَّتِكَ مَا يَحُولُ
 بَيْنَنَا وَبَيْنَ مَعَاصِيكَ، وَمِنْ طَاعَتِكَ
 مَا تُبَلِّغُنَا بِهِ جَنَّتِكَ، وَمِنَ الْيَقِينِ مَا
 تُهَوِّنُ بِهِ عَلَيْنَا مُصِيبَاتِ الدُّنْيَا، وَمَتَّعْنَا
 بِأَسْمَاعِنَا وَأَبْصَارِنَا وَقُوَّتِنَا مَا أَحْيَيْتَنَا،
 وَاجْعَلْهُ الْوَارِثَ مِنَّا، وَاجْعَلْ ثَأْرَنَا عَلَى
 مَنْ ظَلَمَنَا، وَانصُرْنَا عَلَى مَنْ عَادَانَا، وَلَا
 تَجْعَلْ مُصِيبَتَنَا فِي دِينِنَا، وَلَا تَجْعَلِ الدُّنْيَا
 أَكْبَرَ هَمِّنَا وَلَا مَبْلَغَ عِلْمِنَا، وَلَا تُسَلِّطْ
 عَلَيْنَا مَنْ لَا يَرْحَمُنَا»

اے اللہ! توں سانوں اوویں دا خوف عطا فرما جیہڑا

ساڈے تے ساڈے گناہواں دے درمیان حائل ہو جاوے، تے اپنی ایداں دی اطاعت گزاری سانوں دے جہدے نال توں سانوں اپنے جنت تک پہنچا دیویں، تے ایویں دا یقین سانوں دے جہدے نال توں ساڈیاں دنیا دیاں مصیبتاں نوں ساڈے لئی آسان کر دیویں۔ اے اللہ! جدوں تک توں سانوں زندہ رکھیں، ساڈے کنناں، ساڈیاں اکھاں، تے ساڈیاں طاقتاں توں سانوں فائدہ دے، تے ایہناں نوں ساڈے لئی باقی رکھ، تے جنہاں نے ساڈے تے ظلم کیتا اوہناں کولوں انتقام لے، جیہڑے ساڈے دشمن نیں اوہناں دے مقابلے وچ ساڈی مدد کر، تے ساڈے دین دے معاملے وچ سانوں آزمائش وچ نہ پاء، تے ساڈی ساری سوچ دنیا نوں نہ بنا، تے نہ ساڈا علم بس دنیا تک ای رکھ، تے ساڈی اُتے اوہنوں مسلط نہ کر جیہڑا ساڈے تے رحم نہ کرے۔

«رَبِّ أَعِنِّي وَلَا تُعِنِّ عَلَيَّ، وَأَنْصُرْنِي وَلَا تَنْصُرْ عَلَيَّ، وَامْكُرْ لِي وَلَا تَمْكُرْ عَلَيَّ، وَاهْدِنِي وَيَسِّرِ الْهُدَى لِي، وَأَنْصُرْنِي عَلَى مَنْ بَغَى عَلَيَّ، رَبِّ اجْعَلْنِي لَكَ شَكَارًا، لَكَ ذَكَارًا، لَكَ رَهَابًا، لَكَ مِطْوَاعًا، لَكَ مُحِبًّا، إِلَيْكَ أَوَّاهًا مُنِيبًا، رَبِّ تَقَبَّلْ تَوْبَتِي، وَاغْسِلْ حَوْبَتِي، وَأَجِبْ دَعْوَتِي، وَثَبِّتْ حُجَّتِي، وَسَدِّدْ لِسَانِي، وَاهْدِ قَلْبِي، وَاسْلُلْ سَخِيمَةَ صَدْرِي».

میرا یار با! میری مدد کر، میرے خلاف مدد نہ کر،
تے میری نصرت کر، میرے خلاف نصرت نہ کر،
میرے لئے تدبیر کر، میرے خلاف تدبیر نہ کر، مینوں

ہدایت دے، تے ہدایت نوں میرے واسطے آسان
 کر دے، جس نے میرے اُتے ناحق زیادتی کیتی
 اوہدے خلاف میری نصرت کر۔ ربا! توں مینوں
 بہت شکر کرن والا کر دے، تے اپنا بہت ذکر کرن
 والا بنا دے، تے اپنے توں بہت ڈرن والا بنا دے،
 تے اپنا بہت ہی زیادہ فرماں بردار بنا دے، تے اپنے
 سامنے بہت ای عاجزی دا اظہار کرن والا بنا دے،
 اپنے سامنے بہت ای گڑگڑان والا تے بہت زیادہ توبہ
 کرنے والا بنا دے۔ ربا! میری توبہ قبول کر، میرا
 گناہ دھو دے، میری دعا قبول کر، میرے ایمان
 نوں ثابت رکھ، میری زبان نوں سدھا کر دے،
 میرے دل نوں ہدایت دے، تے میرے دل دے
 کینے نوں ختم کر دے۔

«اللَّهُمَّ إِنِّي أَسْأَلُكَ فِعْلَ الْخَيْرَاتِ، وَتَرْكَ
 الْمُنْكَرَاتِ، وَحُبَّ الْمَسَاكِينِ، وَأَنْ تَغْفِرَ
 لِي وَتَرْحَمَنِي، وَإِذَا أَرَدْتَ فِتْنَةً فِي قَوْمٍ
 فَتَوَفَّنِي غَيْرَ مَفْتُونٍ، وَأَسْأَلُكَ حُبَّكَ وَحُبَّ
 مَنْ يُحِبُّكَ، وَحُبَّ عَمَلٍ يُقَرِّبُ إِلَى حُبِّكَ»
 یا اللہ! میں تیرے کولوں چنگے کماں دی توفیق منگنا
 ، تے بُرے کماں نوں چھڈن دی توفیق منگنا، تے
 مسکیناں نال محبت کرن دی توفیق منگنا، تے میں
 تیرے کولوں دعا کرناں کہ توں مینوں بخش دے،
 تے میرے اُتے رحم کر، جدوں توں کچھ لوکاں
 نوں آزمائش وچ پان دا ارادہ کریں تے اوس ویلے

میںوں آزمائش وچ مبتلا کیتے بغیر موت دے دئیں،
میں تیرے کولوں تیری محبت تے ہر اوس شخص
دی محبت منگنا جیسرہ تینوں محبت کر دا اے، تے
ہر اوس عمل دی محبت منگنا جیسرہ تیری محبت دے
لاگے کر دوے۔

رسول اللہ ﷺ نے ایہناں دعاواں دے بارے
فرمایا کہ: «ایہہ حق نین، ایہناں نوں پڑھو تے
ایہناں نوں سکھو»۔



«اللَّهُمَّ إِنِّي أَسْأَلُكَ الثَّبَاتَ فِي الْأَمْرِ، وَالْعَزِيمَةَ
عَلَى الرَّشْدِ، وَأَسْأَلُكَ مُوجِبَاتِ رَحْمَتِكَ،
وَعَزَائِمَ مَغْفِرَتِكَ، وَأَسْأَلُكَ شُكْرَ نِعْمَتِكَ،
وَحُسْنَ عِبَادَتِكَ، وَأَسْأَلُكَ قَلْبًا سَلِيمًا،
وَلِسَانًا صَادِقًا، وَأَسْأَلُكَ مِنْ خَيْرِ مَا تَعْلَمُ،
وَأَعُوذُ بِكَ مِنْ شَرِّ مَا تَعْلَمُ، وَأَسْتَغْفِرُكَ لِمَا
تَعْلَمُ، إِنَّكَ أَنْتَ عَلَّامُ الْغُيُوبِ»

اللہ! میں تیرے کولوں ہر معاملے وچ ثابت قدمی
دا سوال کرداں، تے ہدایت اُتے دل دی پختگی منگنا،
میں تیرے کولوں ہر اوہ چیز منگنا جیسری تیری
رحمت دا سبب بندی اے، تے اوہناں کماں دی

توفیق منگنا جنہاں دے نال تیری مغفرت پکی ہو
 چاندی اے۔ میں تیرے کولوں تیری نعمت تے شکر
 کرن دی توفیق تے تیری چنگی طرح عبادت کرن
 دی توفیق منگنا، میں تیرے کولوں صحیح سالم دل تے
 سچی زبان منگنا، میں تیرے کولوں ہر اوس چیز دی
 خیر طلب کرناں جنہوں توں جانداں ایں، تے میں
 تیرے کولوں ہر اوس چیز دے شر توں پناہ منگنا
 جنہوں توں جانداں ایں، میں تیرے کولوں اوہناں
 گناہواں دی بخشش منگنا جیسرے تیرے علم وچ
 نیں، کوئی شک نیں کہ توں غائب امور نوں بہت
 زیادہ جانش والا ایں۔

حدیث وچ آندا اے کہ ایہہ دعا سونے تے چاندی
 نوں جمع کرن توں بہتر اے



«اللَّهُمَّ اهْدِنِي فِيمَنْ هَدَيْتَ، وَعَافِنِي فِيمَنْ
عَافَيْتَ، وَتَوَلَّنِي فِيمَنْ تَوَلَّيْتَ، وَبَارِكْ لِي
فِيمَا أَعْطَيْتَ، وَقِنِي شَرَّ مَا قَضَيْتَ، إِنَّكَ
تَقْضِي وَلَا يُقْضَىٰ عَلَيْكَ، إِنَّهُ لَا يَدُلُّ مَنْ
وَالَيْتَ، وَلَا يَعِزُّ مَنْ عَادَيْتَ، تَبَارَكْتَ
رَبَّنَا وَتَعَالَيْتَ»

یا اللہ! جنہاں لوکاں نوں توں ہدایت دتی، اوہناں
دے نال شامل کر کے مینوں وی ہدایت دے، توں
جنہاں لوکاں نوں عافیت دتی، اوہناں دے نال شامل
کردیاں ہوویاں مینوں وی عافیت دے، جنہاں لوکاں
دا توں نگران بنیا، اوہناں دے نال میرا وی نگران

بن، جو کچھ توں دتا اے اوہدے وچ توں میرے
 لئی برکت پیدا کر دے، تے جو کچھ توں فیصلہ کیتا
 اے اوہدے شر توں مینوں بچا، فیصلہ توں ای کرنا
 اے، تیرے خلاف فیصلہ نئیں کیتا جا سکدا، جنہوں
 توں دوست بناوے اوہ ذلیل نئیں ہندا، جہدے نال
 توں دشمنی رکھیں اوہ عزت والا نئیں ہو سکدا، ساڈیا
 ربا! توں برکت والا تے بلند و بالا ایں۔

«اللَّهُمَّ بِعِلْمِكَ الْغَيْبِ، وَقُدْرَتِكَ عَلَى
الْخَلْقِ، أَحْيَيْتَنِي مَا عَلِمْتَ الْحَيَاةَ خَيْرًا لِي،
وَتَوَفَّيْتَنِي إِذَا عَلِمْتَ الْوَفَاةَ خَيْرًا لِي، وَأَسْأَلُكَ
خَشِيَّتَكَ فِي الْغَيْبِ وَالشَّهَادَةِ، وَكَلِمَةَ
الْإِخْلَاصِ فِي الرِّضَا وَالْغَضَبِ، وَأَسْأَلُكَ
نَعِيمًا لَا يَنْفَدُ، وَقُرَّةَ عَيْنٍ لَا تَنْقَطِعُ،
وَأَسْأَلُكَ الرِّضَاءَ بِالْقَضَاءِ، وَبَرْدَ الْعَيْشِ
بَعْدَ الْمَوْتِ، وَلَذَّةَ النَّظَرِ إِلَى وَجْهِكَ،
وَالشُّوقَ إِلَى لِقَائِكَ، وَأَعُوذُ بِكَ مِنْ ضَرَاءِ
مُضِرَّةٍ، وَفِتْنَةِ مُضِلَّةٍ، اللَّهُمَّ زَيِّنَا بِزِينَةِ
الْإِيمَانِ، وَاجْعَلْنَا هُدَاةً مُهْتَدِينَ»

«اے اللہ! توں اپنے علمِ غیب تے اپنی مخلوق اُتے قدرت دی بنا تے مینوں اودوں تک زندہ رکھ جدوں تک تیرے علم دے مطابق میرے واسطے زندگی چنگی اے، تے جدوں تیرے علم دے مطابق میرے واسطے موت چنگی ہووے اودوں مینوں موت دے دویں۔ اے اللہ! میں اکلیاں وی تے سب دے سامنے وی تیرے کولوں تیری خشیت منگنا، تے میں تیرے کولوں رضا مندی تے غصے دونویں حالتاں وچ حق گل کہن دی توفیق منگنا، میں تیرے کولوں ایویں دی نعمت منگنا جیسرٹی کدی ختم نہ ہووے، تے میں تیرے کولوں اکھاں دی ٹھنڈک منگنا، میں تیرے کولوں تیرے فیصلے تے راضی ہون دی توفیق منگنا، تے میں موت دے بعد تیرے کولوں چنگی

زندگی دا سوال کرداں، میں تیرے کولوں عا کرداں
 کہ توں اپنے چہرے ول ویکھن دی لذت مینوں
 عطا کر، تے اپنی ملاقات دا شوق مینوں دے، تے
 میں تیری پناہ منگنا ایوے دے شوق توں جہدے
 وچ کوئی نقصان ہووے یا کوئی گمراہ کرن والا فتنہ
 ہووے۔ اے اللہ! توں سانوں ایمان دی زینت نال
 خوبصورت بنا دے، تے سانوں ہدایت دا سبب بن
 والا، تے ہدایت یافتہ بنا دے۔



19

«اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا
وَالْآخِرَةِ، اللَّهُمَّ أَسْأَلُكَ الْعَفْوَ وَالْعَافِيَةَ
فِي دِينِي وَدُنْيَايَ وَأَهْلِي وَمَالِي، اللَّهُمَّ اسْتُرْ
عَوْرَاتِي، وَأَمِنْ رَوْعَاتِي، اللَّهُمَّ احْفَظْنِي
مِنْ بَيْنِ يَدَيْ، وَمِنْ خَلْفِي، وَعَنْ يَمِينِي،
وَعَنْ شِمَالِي، وَمِنْ فَوْقِي، وَأَعُوذُ بِعَظَمَتِكَ
أَنْ أُغْتَالَ مِنْ تَحْتِي»

اللہ! میں تیرے کولوں دنیا تے آخرت وچ عافیت
منگنا۔ اے اللہ! میں تیرے کولوں معافی طلب
کرنوں، تے تیرے کولوں اپنے دین تے دنیا، تے
اپنے گھروالیاں، تے اپنے مال دے بارے عافیت

دا سوال کرنا۔ اے اللہ! میرے عیباں تے پردے
 پا، تے مینوں خوف زدہ کرن والیاں گلاں توں بے
 خوف کر دے۔ اللہ! مینوں میرے اگوں، میرے
 پچھوں، میرے سچے توں تے میرے کھبے توں،
 تے میرے اُتوں میری حفاظت کر۔ تے میں تیری
 عظمت دے نال ایس چیز توں پناہ منگنا کہ میری
 ایذاں اچانک پکڑ ہو جاوے کہ مینوں پتہ ای نہ
 لگے۔

صحیح الدعاء والشفاء علی اللہ تعالیٰ

نبوی تعویذات



«اللَّهُمَّ إِنِّي أَعُوذُ بِكَ مِنْ شَرِّ مَا عَمِلْتُ
وَشَرِّ مَا لَمْ أَعْمَلْ»

اے اللہ! میں جو کچھ کیتا اے اوہدے شر توں تے
جو کچھ میں نہیں کیتا اوہدے شر توں تیری پناہ وچ
آونا۔

نبی ﷺ اکثر ایہہ دعا کر دے سی



«اللَّهُمَّ إِنِّي أَعُوذُ بِكَ أَنْ أَشْرِكَ بِكَ وَأَنَا
أَعْلَمُ، وَأَسْتَغْفِرُكَ لِمَا لَا أَعْلَمُ»

اے اللہ! میں ایس چیز توں تیری پناہ منگنا کہ میں
تیرے نال جاندیاں ہویاں شرک کراں، تے میں
جو کچھ نئیں جاندا اوہدے تے میں تیرے کولوں
مغفرت منگنا۔

ایہہ ایس طراں دی دعا اے جیسڑی ریا کاری نوں
ختم کر دیندی اے



«اللَّهُمَّ إِنِّي أَعُوذُ بِكَ مِنْ زَوَالِ نِعْمَتِكَ،
وَتَحَوُّلِ عَافِيَتِكَ، وَفُجَاءَةِ نِقْمَتِكَ،
وَجَمِيعِ سَخَطِكَ»

اے اللہ! میں تیری پناہ وچ آنا ایس گل توں کہ
تیرے ولوں میرے اُتے کیتی نعمت زائل ہو جاوے،
تے تیری دتی عافیت میرے توں ہٹ جاوے، تے
تیرا عذاب اچانک آ پوے، تے اوہناں ساریاں گلاں
توں جیسرٹیاں تینوں ناراض کرن والیاں نیں۔

4

«اللَّهُمَّ إِنِّي أَعُوذُ بِكَ مِنْ مُنْكَرَاتِ الْأَخْلَاقِ،
وَالْأَعْمَالِ، وَالْأَهْوَاءِ، وَالْأَدْوَاءِ»

اے اللہ! میں بُریاں عادتوں، برے اعمال، بُریاں
خواہشاں تے بُریاں بیماریاں توں تیری پناہ منگنا۔

5

«اللَّهُمَّ إِنِّي أَعُوذُ بِكَ مِنْ جَهْدِ الْبَلَاءِ،
وَدَرَكِ الشَّقَاءِ، وَسُوءِ الْقَضَاءِ،
وَشَمَاتَةِ الْأَعْدَاءِ»

یا اللہ! میں آزمائش دی سختی، بدبختی، بری تقدیر،
تے دشمن دے خوش ہون توں تیری پناہ منگنا۔

«اللَّهُمَّ إِنِّي أَعُوذُ بِكَ مِنَ الْعَجْزِ، وَالْكَسَلِ،
وَالْجُبْنِ، وَالْبُخْلِ، وَالْهَرَمِ، وَعَذَابِ الْقَبْرِ
اللَّهُمَّ آتِ نَفْسِي تَقْوَاهَا، وَزَكَّاهَا أَنْتَ خَيْرُ
مَنْ زَكَّاهَا، أَنْتَ وَلِيِّهَا وَمَوْلَاهَا، اللَّهُمَّ إِنِّي
أَعُوذُ بِكَ مِنْ عِلْمٍ لَا يَنْفَعُ، وَمِنْ قَلْبٍ لَا
يُخْشَعُ، وَمِنْ نَفْسٍ لَا تَشْبَعُ، وَمِنْ دَعْوَةٍ لَا
يُسْتَجَابُ لَهَا»

یا اللہ! میں کم ہمتی، سستی، بزدلی، کنجوسی، بڑھاپے،
تے قبر دے عذاب توں تیری پناہ وچ آوندا۔ اے
اللہ! میرے نفس نوں اوہدا تقویٰ دے، تے اوہنوں
پاک کر دے، توں ای اوہنوں سب توں چنگا پاک

کرن والا ایں، توں ای اوہدا نگران تے توں ای
 اوہدا مولا ایں۔ اے اللہ! میں تیرے کولوں ایداں
 دے علم توں پناہ منگنا جیسرٹا نفع نہ دوے، تے
 ایویں دے دل توں پناہ منگنا جیسرٹا خشوع نہ کرے،
 تے ایداں دے نفس توں پناہ منگنا جیسرٹا رجے نہ،
 تے ایداں دی دعا توں پناہ منگنا جیسرٹا قبول نہ
 کیتی جاوے۔



«اللَّهُمَّ إِنِّي أَعُوذُ بِكَ مِنَ الْهَمِّ وَالْحَزَنِ،
وَالْعَجْزِ وَالْكَسَلِ، وَالْبُخْلِ وَالْجُبْنِ،
وَضَلَعِ الدَّيْنِ، وَغَلْبَةِ الرَّجَالِ»

اے اللہ! میں فکر و غم توں، تے بے ہمتی تے
ستی توں، تے کنجوسی تے بزدلی توں، تے قرض
چڑھ جان توں، تے لوکاں دے غالب آ جان توں
تیری پناہ منگنا۔



«اللَّهُمَّ إِنِّي أَعُوذُ بِكَ مِنْ شَرِّ سَمْعِي، وَمِنْ
شَرِّ بَصَرِي، وَمِنْ شَرِّ لِسَانِي، وَمِنْ شَرِّ
قَلْبِي، وَمِنْ شَرِّ مَنِّي»

اے اللہ! میں اپنی سماعت دے شر توں، تے اپنی
بصارت دے شر توں، تے اپنی زبان دے شر توں،
تے اپنے دل تے شر توں، تے اپنی منی دے شر
توں تیری پناہ منگنا۔

«اللَّهُمَّ إِنِّي أَعُوذُ بِكَ مِنْ فِتْنَةِ النَّارِ وَمِنْ
عَذَابِ النَّارِ، وَأَعُوذُ بِكَ مِنْ فِتْنَةِ الْقَبْرِ،
وَأَعُوذُ بِكَ مِنْ عَذَابِ الْقَبْرِ، وَأَعُوذُ بِكَ
مِنْ فِتْنَةِ الْغِنَى، وَأَعُوذُ بِكَ مِنْ فِتْنَةِ الْفَقْرِ،
وَأَعُوذُ بِكَ مِنْ فِتْنَةِ الْمَسِيحِ الدَّجَالِ»

اے اللہ! میں تیرے کولوں اگ دے فتنے تے
دوزخ دے عذاب توں پناہ منگنا، میں تیرے کولوں
قبر دے فتنے توں پناہ منگنا، میں تیرے کولوں قبر
دے عذاب توں پناہ منگنا، میں تیرے کولوں مالداری
دے فتنے توں پناہ منگنا، میں تیرے کولوں غربت
دے فتنے توں پناہ منگنا، تے میں تیرے کولوں مسیح
دجال تے فتنے توں پناہ منگنا۔



«اللَّهُمَّ إِنِّي أَعُوذُ بِعِزَّتِكَ، لَا إِلَهَ إِلَّا أَنْتَ،
أَنْ تُضِلَّنِي، أَنْتَ الْحَيُّ الَّذِي لَا يَمُوتُ،
وَالْجِنُّ وَالْإِنْسُ يَمُوتُونَ»

اے اللہ! میں تیری عزت دی پناہ و پج آنا، تیرے
علاوہ کوئی معبود نہیں، ایس گل توں کہ توں مینوں
گمراہ کر دویں، توں زندہ ایں جنہوں موت نہیں
آندی، تے ساریاں جناں تے ساریاں انساناں نوں
موت آ جاوے گی۔

11

«اللَّهُمَّ إِنِّي أَعُوذُ بِكَ مِنَ الْبَرَصِ،
وَالْجُنُونِ، وَالْجُذَامِ، وَمِنْ سَيِّئِ الْأَسْقَامِ»
اے اللہ! میں برص، پاگل پن، کوڑھ تے ساریاں
موذی بیماریاں توں تیری پناہ وچ آوناں۔



«اللَّهُمَّ إِنِّي أَعُوذُ بِكَ مِنْ يَوْمِ السَّوِّءِ،
وَمِنْ لَيْلَةِ السَّوِّءِ، وَمِنْ سَاعَةِ السَّوِّءِ،
وَمِنْ صَاحِبِ السَّوِّءِ، وَمِنْ جَارِ السَّوِّءِ
فِي دَارِ الْمُقَامَةِ»

اے اللہ! میں تیری پناہ منگنا برے دن توں، بری
رات توں، تے برے وقت توں، تے برے ساتھی
توں، تے برے ہمسائے توں جیسرے مستقل رہن
والی جگہ تے رہندا ہووے۔



«أَعُوذُ بِاللَّهِ مِنَ الْفِتَنِ، مَا ظَهَرَ مِنْهَا
وَمَا بَطَّنَ»

میں ساریاں فتنیاں توں اللہ دی پناہ منگنا، جیسرے
ظاہر نے تے جیسرے لکے ہوئے نیں۔



صحیح دعاواں تے اللہ تعالیٰ دی شفاء

صحیح الدعاء والشفاء علی اللہ تعالیٰ



دم والیاں دعاواں



◀ آگے جاؤ

▶ پہلے صفحے تے واپس جاؤ



سورہ فاتحہ دی تلاوت 7 واری

﴿أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ
 اللَّهِ الرَّحْمَنِ الرَّحِيمِ ﴿١﴾ الْحَمْدُ لِلَّهِ رَبِّ
 الْعَالَمِينَ ﴿٢﴾ الرَّحْمَنِ الرَّحِيمِ ﴿٣﴾ مَلِكِ يَوْمِ
 الدِّينِ ﴿٤﴾ إِيَّاكَ نَعْبُدُ وَإِيَّاكَ نَسْتَعِينُ ﴿٥﴾
 أَهْدِنَا الصِّرَاطَ الْمُسْتَقِيمَ ﴿٦﴾ صِرَاطَ الَّذِينَ
 أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ
 وَلَا الضَّالِّينَ ﴿٧﴾﴾ [الفاتحة: ١-٧]

میں شیطان مردود دے شر توں اللہ دی پناہ

وہج آونا

اللہ دے نام دے نال آغاز کرنا، جیہڑا بہت ہی
 مہربان تے بہت ای رحم کرن والا اے۔
 ساریاں تعریفاں اللہ واسطے نین جیہڑا ساریاں جہاناں
 دا رب اے، جیہڑا بہت ای مہربانی کرن والا تے
 بہت ای رحم کرن والا اے، اوہ بدلے دے دن
 دا مالک اے، اسی صرف تیری عبادت کرنے آں
 تے تیرے کولوں ایں مدد منگنے آں، سانوں سدھے
 رستے تے چلا، اوہناں لوکاں دا رستہ جنہاں تے
 توں اپنا انعام کیتا، نہ کہ اوہناں دا رستہ جنہاں تے
 غضب ہويا، تے نہ ای اوہناں دا جیہڑے گمراہ ہو
 گئے۔ آمین



آیت الکرسی دی تلاوت اک واری

﴿اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ
 سِنَةٌ وَلَا نَوْمٌ لَّهُ مَا فِي السَّمَوَاتِ وَمَا فِي
 الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ
 يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ
 بِشَيْءٍ مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ
 السَّمَوَاتِ وَالْأَرْضَ وَلَا يَئُودُهُ حِفْظُهُمَا وَهُوَ
 الْعَلِيُّ الْعَظِيمُ﴾ [البقرة: ۲۵۵]

اللہ اوہ ذات اے کہ اوہدے علاوہ کوئی معبود نہیں،
 اوہ حی و قیوم اے، اوہنوں نہ اونگھ آوندی اے تے

نہ ای نیند آوندی اے، آسماناں تے زمین وچ جو
 کچھ وی اے سب اوہدا اے، کون اے جیسرٹا اوہدی
 اجازت توں بغیر اوہدے سامنے سفارش کر سکے؟
 اوہ جو کچھ لوکاں دے سامنے اے اوہنوں وی جاندا
 اے تے جو کچھ اوہناں دے پچھے اے اوہنوں وی
 جاندا اے، لوگ اوہدے علم وچوں کسے چیز دا احاطہ
 نہیں کر سکدے سوائے اوس چیز دے جیسرٹا اوہ
 آپ چاہوے، اوہدی کرسی آسماناں تے زمین تے
 پھیلی ہوئی اے، اوہدے لئی ایہناں دی حفاظت کوئی
 مشکل نہیں، تے اوہ بلند و بالا تے عظیم اے۔

3

سورہ اخلاص تے معوذتین نوں دو دو فہ پڑھ کے
دونویں ہتھاں تے پھوک مار لوؤ تے درد والی
جگہ تے ایہناں نوں پھیر لوو۔ ایداں 3 واری کیتا
جاوے۔

﴿قُلْ هُوَ اللَّهُ أَحَدٌ ۝۱ اللَّهُ الصَّمَدُ ۝۲
لَمْ يَلِدْ وَلَمْ يُولَدْ ۝۳﴾
﴿أَحَدٌ ۝۴﴾ [سورة الإخلاص]

(اے نبی تسی) کہہ دیو کہ اللہ اک اے، اللہ بے نیا
ز اے، نہ اوہنے کسے نوں جنیاں تے نہ اوہنوں کسے
نے جنیاں، تے اوہدے جوڑ دا کوئی وی نسیں۔

﴿قُلْ أَعُوذُ بِرَبِّ الْفَلَقِ ﴿١﴾ مِنْ شَرِّ مَا
خَلَقَ ﴿٢﴾ وَمِنْ شَرِّ غَاسِقٍ إِذَا وَقَبَ ﴿٣﴾ وَمِنْ
شَرِّ النَّفَّاثَاتِ فِي الْعُقَدِ ﴿٤﴾ وَمِنْ شَرِّ حَاسِدٍ
إِذَا حَسَدَ ﴿٥﴾﴾ [سورة الفلق]

[اکہم دیو کہ میں تڑکے دے رب دی پناہ منگنا، ہر
اوس چیز دے شر توں جیسڑی اوہنے پیدا کیتی، تے
نیری رات دے شر توں توں جدوں اوہ پوری طرح
چھا جاوے، تے گنڈاں دے وچ پھونکن والیاں
دے شر توں، تے ہر حسد کرن والے دے شر توں
جدوں اوہ حسد کرن لگ پوے۔

﴿قُلْ أَعُوذُ بِرَبِّ النَّاسِ ﴿١﴾ مَلِكِ النَّاسِ ﴿٢﴾
 إِلَهِ النَّاسِ ﴿٣﴾ مِنْ شَرِّ الْوَسْوَاسِ الْخَنَّاسِ ﴿٤﴾
 الَّذِي يُوَسْوِسُ فِي صُدُورِ النَّاسِ ﴿٥﴾ مِنْ
 الْجِنَّةِ وَالنَّاسِ ﴿٦﴾﴾ [سورة الناس]

کہہ دیو کہ میں پناہ منگنا لوکاں دے رب دی، لوکاں
 دے بادشاہ دی، لوکاں دے معبود دی، اوس شیطان
 دے شر توں جیسرٹا وسوسہ پا کے کچھے ہٹ جاندا
 اے، جیسرٹا لوکاں دے سینیاں وچ وسوسے پاندا
 اے، جنال وچوں تے انساناں وچوں۔

4

«اللَّهُمَّ رَبَّ النَّاسِ أَذْهِبِ الْبَاسَ، اشْفِ
أَنْتَ الشَّافِي، لَا شِفَاءَ إِلَّا شِفَاؤُكَ، شِفَاءً
لَا يُغَادِرُ سَقَمًا»

یا اللہ! سب لوکاں دیا ربا! توں بیماری نوں دور کر
دے، شفا دے دے، شفا دین والا صرف توں ایں،
تیری شفا توں علاوہ کوئی ہور شفا نئیں، ایویں دی شفا
دے جیسرٹی بیماری نوں بالکل وی رہن نہ دوے۔
سجے ہتھ نوں درد والی جگہ تے پھیرے یا مریض
تے پھیرے تے دعا پڑھے



«بِسْمِ اللّٰهِ، تُرْبَةُ أَرْضِنَا، بِرِيقَةِ بَعْضِنَا،
يُشْفِي سَقِيمُنَا، بِإِذْنِ رَبِّنَا»

اللہ دے نام دی برکت نال، ایہہ ساڈی زمین دی
مٹی اے، ساڈے وچوں کسے دے تھک نال ملی ہوئی
ہے، تاکہ ساڈا مریض شفا یاب ہو جاوے، ساڈے
رب دے حکم نال۔

دم کرن والا اپنا تھک اپنی انگلی تے لاوے، فیر
اوہنوں زمین تے رکھے، فیر اوہنوں درد یا زخم والی
جگہ تے پھیرے، تے ایس دعا نوں پڑھے۔

6

«بِسْمِ اللّٰهِ» «أَعُوذُ بِاللّٰهِ وَقُدْرَتِهِ مِنْ
شَرِّ مَا أَجِدُ وَأُحَاذِرُ»

(اللہ دے نام دے نال)، (میں اللہ دی ذات تے
اوہدی قدرت دی پناہ وچ آوناں ، ہر اوس چیز دے
شر توں جیسرٹی میں محسوس کر ریاں واں تے جہدا
مینوں ڈراے۔

(دم کرن والا اپنے ہتھ نوں درد والی جگہ تے رکھے
تے 3 واری «بِسْمِ اللّٰهِ» پڑھے، تے فیر 7 واری
«أَعُوذُ بِاللّٰهِ وَقُدْرَتِهِ مِنْ شَرِّ مَا أَجِدُ وَأُحَاذِرُ»
پڑھے)



«أَعُوذُ بِكَلِمَاتِ اللَّهِ التَّامَّةِ، مِنْ كُلِّ
شَيْطَانٍ وَهَامَّةٍ، وَمِنْ كُلِّ عَيْنٍ لَامَّةٍ»

میں ہر شیطان ، زہریلے جانور، تے ہر نظر بد توں
محفوظ رہن لئی اللہ دے کامل کلمات دے ذریعے
پناہ منگنا۔

8

«أَعُوذُ بِكَلِمَاتِ اللَّهِ التَّامَّاتِ مِنْ شَرِّ
مَا خَلَقَ»

میں اللہ دے کامل کلمات دے ذریعے ہر اوس چیز
توں پناہ منگنا جیسرٹی اوہنے پیدا کیتی اے۔



«بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ،
فِي الْأَرْضِ، وَلَا فِي السَّمَاءِ، وَهُوَ
السَّمِيعُ الْعَلِيمُ»

اللہ دے نام دے نال ، جہدے نام دے نال زمین
تے آسمان وچ کوئی چیز نقصان نہیں دے سگدی،
تے اوہ بڑا ای سنن والا تے بڑا ای جانن والا اے۔

ایہنوں 3 واری پڑھے



«بِسْمِ اللّٰهِ اَرْقِيْكَ، مِنْ كُلِّ شَيْءٍ يُؤْذِيْكَ،
مِنْ شَرِّ كُلِّ نَفْسٍ اَوْ عَيْنٍ حَاسِدٍ،
اللّٰهُ يَشْفِيْكَ بِاسْمِ اللّٰهِ اَرْقِيْكَ»

اللہ دے نام دے نال میں تیرے اُتے دم کرناں،
ہر اوس چیز توں جیسرٹی تینوں تکلیف دیندی اے،
تے ہر جان دار دے شر توں یا ہر حسد کرن والی
نظر دے شر توں، اللہ تینوں شفا دیوے، میں اللہ
دے نام دے نال تیرے اُتے دم کرناں۔



«أَسْأَلُ اللَّهَ الْعَظِيمَ رَبَّ الْعَرْشِ
الْعَظِيمِ أَنْ يَشْفِيكَ»

میں اوس اللہ توں جیسرٹا عظیم اے، جیسرٹا عرشِ
عظیم دارب اے، دعا کرناں کہ اوہ تینوں شفا دے
دوے۔

(ایہنوں دم کرن والا 7 واری پڑھے، جے اوہ
اپنے آپ تے پڑھ ریا ہووے تے فیر 7 واری
اے دعا پڑھے: «أَسْأَلُ اللَّهَ الْعَظِيمَ رَبَّ الْعَرْشِ
الْعَظِيمِ أَنْ يَشْفِيَنِي»)

دم لئی کچھ شرطیں تے یاد رکھن والیاں گلاں
نیں جنہاں دا خیال رکھنا ضروری اے، تے اوہ
ایہہ نہیں:



دم کتاب و سنت توں ثابت ہووے، تے دم دا طریقہ
تے اوہدے الفاظ شرک، بدعات تے حرام چیزاں
توں دور ہون۔



مسلمان اپنے رب نال تعلق رکھے تے اوہدے تے
بھروسہ کرے، تے ایہہ گل جان لوے کہ دم تے
بس اک سبب اے، اللہ دے حکم دے بغیر ایہدے
وج اپنا کوئی اثر نہیں۔

3

دم نوں آزمان دی خاطر نہ کرے، بلکہ اوہدے اثر تے یقین رکھے، دم کرن والا تے جہدے اُتے دم کیتا جا ریا ہووے، دونویں دم دی تاثیر تے اوہدے ذریعے شفا تے یقین رکھن۔

4

قرآن کریم دیاں ساریاں آیتاں شفا نیں۔ اللہ تعالیٰ دا فرمان اے: ﴿وَنُنَزِّلُ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ﴾ [الإسراء: 82] «اسی قرآن وچوں اوہ چیز اتارنے آں جیہڑی مومنناں واسطے شفا تے رحمت اے»۔

پر جنہاں آیتاں دے بارے وچ آیا اے کہ اوہ دم
نیں اوہناں دے نال دم کرنا بہتر اے۔



مریض واسطے افضل اے کہ اوہ اپنے آپ دم
کرے، کیونکہ ایہ اوہدے لئی زیادہ مفید اے تے
ایہدے نال اوہدی اپنے رب دے سامنے محتاجی تے
ضرورت مندی دا زیادہ سچے انداز وچ اظہار ہندا
اے، کیونکہ دم وچ دل دی توجہ تے اخلاص نیت دا
بڑا اثر ہندا اے۔



صبحِ الدُّعَا وَالشَّعَائِرِ عَلَى اللَّهِ تَعَالَى

صبح شام دے
اذکار



«لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
لَهُ الْمُلْكُ وَلَهُ الْحَمْدُ، وَهُوَ عَلَى كُلِّ
شَيْءٍ قَدِيرٌ»

اللہ اکلے دے علاوہ کوئی معبود نہیں، اوہدا کوئی
شریک نہیں، ساری بادشاہی اوہدی اے، تے ساریاں
تعریفاں اوہدے لئی نیں، تے اوہ ہر چیز تے قدرت
رکھن والا اے۔

10 واری



«أَصْبَحْنَا وَأَصْبَحَ الْمَلِكُ لِلَّهِ، وَالْحَمْدُ لِلَّهِ،
لَا إِلَهَ إِلَّا اللَّهُ وَحْدَهُ لَا شَرِيكَ لَهُ، اللَّهُمَّ
إِنِّي أَسْأَلُكَ خَيْرَ مَا فِي هَذَا الْيَوْمِ، وَخَيْرِ
مَا بَعْدَهُ، وَأَعُوذُ بِكَ مِنْ شَرِّ مَا فِي هَذَا
الْيَوْمِ، وَشَرِّ مَا بَعْدَهُ، اللَّهُمَّ إِنِّي أَعُوذُ بِكَ
مِنَ الْكَسَلِ، وَالْهَرَمِ، وَسُوءِ الْكِبَرِ، وَفِتْنَةِ
الدُّنْيَا، وَعَذَابِ الْقَبْرِ»

اسی صبح کیتی تے اللہ دی بادشاہی نوں دوام ریا ،
ساریاں تعریفاں اللہ لئی نیں، اکلے اللہ توں علاوہ
کوئی معبود نئیں، اوہدا کوئی شریک نئیں، اے اللہ!
میں تیرے کولوں ایس دن وچ جو کچھ وی اے

اوہدی خیر منگنا ، تے جیسرٹا ایہدے بعد آن والا
 اے اوہدی وی خیر منگنا، تے میں ایس دن وچ جو
 کچھ وی اے اوہدے شر توں، تے جیسرٹا ایہدے
 بعد والا اے اوہدے شر توں تیری پناہ منگنا۔ اے
 اللہ! میں سستی توں، بڑھاپے توں، تکبر دی برائی
 توں، دنیا دے فتنے توں، تے قبر تے عذاب توں
 تیری پناہ منگنا۔

جدوں صبح ہووے تے ایہہ دعا پڑھے

«أَمْسَيْنَا وَأَمْسَى الْمَلِكُ لِلَّهِ، وَالْحَمْدُ لِلَّهِ،
لَا إِلَهَ إِلَّا اللَّهُ وَحْدَهُ لَا شَرِيكَ لَهُ، اللَّهُمَّ
إِنِّي أَسْأَلُكَ خَيْرَ مَا فِي هَذِهِ اللَّيْلَةِ، وَخَيْرَ
مَا بَعْدَهَا، وَأَعُوذُ بِكَ مِنْ شَرِّ مَا فِي هَذِهِ
اللَّيْلَةِ، وَشَرِّ مَا بَعْدَهَا، اللَّهُمَّ إِنِّي أَعُوذُ
بِكَ مِنَ الْكَسَلِ، وَالْهَرَمِ، وَسُوءِ الْكِبَرِ،
وَفِتْنَةِ الدُّنْيَا، وَعَذَابِ الْقَبْرِ»

(ساڈے تے شام آئی تے اللہ دی بادشاہی نوں دوام
ریا، ساریاں تعریفاں اللہ لئی نیں، اوہ اکلا معبود اے،
اوہدے علاوہ کوئی معبود نیں، اوہدا کوئی شریک نیں،
اے اللہ! میں ایس رات وچ جو کچھ اے اوہدی خیر
تیرے کولوں منگنا، تے ایہدے بعد آن والی رات

صبح جو کچھ اے اوہدی وی خیر منگنا، تے میں ایس
 رات وچ جو کچھ اے، تے ایہدے بعد آن والی
 رات وچ جو کچھ اے اوہدے شر توں تیری پناہ
 منگنا، اے اللہ! میں سستی، بڑھاپے، تکبر دی برائی
 ، دنیا دے فتنے، تے قبر دے عذاب توں تیری پناہ
 منگنا)

جدوں شام ہووے توں ایس دعا نوں پڑھے

«اللَّهُمَّ أَنْتَ رَبِّي لَا إِلَهَ إِلَّا أَنْتَ خَلَقْتَنِي،
وَأَنَا عَبْدُكَ، وَأَنَا عَلَى عَهْدِكَ وَوَعْدِكَ مَا
اسْتَطَعْتُ، أَعُوذُ بِكَ مِنْ شَرِّ مَا صَنَعْتُ،
أَبُوءُ لَكَ بِنِعْمَتِكَ عَلَيَّ، وَأَبُوءُ لَكَ بِذُنُوبِي
فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ»

اے اللہ! توں میرا رب ایں، تیرے توں علاوہ کوئی
معبود نہیں، توں مینوں پیدا کیتا، میں تیرا بند آں، میں
تیرے نال کیتے عہد تے تیرے نال کیتے وعدے اُتے
اپنی طاقت دے بقدر قائم آں، میں جو کچھ وی گناہ
کیتے نیں اوہناں دے شر توں تیری پناہ منگنا، میں اپنے
اُتے تیرے احسان نوں تسلیم کرنا، تے میں اپنے گناہ
دا اعتراف کرنا، توں میری مغفرت کر دے، تیرے سوا
گناہواں دی مغفرت کوئی نہیں کردا۔

«اللَّهُمَّ بِكَ أَصْبَحْنَا، وَبِكَ أَمْسَيْنَا، وَبِكَ
نَحْيَا، وَبِكَ نَمُوتُ، وَإِلَيْكَ الْمَصِيرُ»
«اللَّهُمَّ بِكَ أَمْسَيْنَا وَبِكَ أَصْبَحْنَا وَبِكَ
نَحْيَا وَبِكَ نَمُوتُ وَإِلَيْكَ النُّشُورُ»

اے اللہ! تیری حفاظت وچ اسی صبح کیتی، تیری حفاظت
وچ اسی شام کیتی، تیرے نام دے نال اسی زندہ رہنے
آں، تیرے نام دے نال اسی مردے آں، تے تیرے
ول ای مڑ کے آونا اے۔ **تے جدوں شام ہووے تے**
پڑھے: اے اللہ! تیری حفاظت وچ اسی شام کیتی، تے
تیری حفاظت وچ اسی صبح کیتی، تیرے نام دے نال اسی
زندہ رہنے آں، تیرے نام دے نال اسی مردے آں،
تے تیرے ول ای اٹھ کے آونا اے۔

«اللَّهُمَّ فَاطِرَ السَّمَوَاتِ وَالْأَرْضِ، عَالِمَ
الْغَيْبِ وَالشَّهَادَةِ، لَا إِلَهَ إِلَّا أَنْتَ رَبَّ كُلِّ
شَيْءٍ وَمَلِيكَهُ، أَعُوذُ بِكَ مِنْ شَرِّ نَفْسِي
وَمِنْ شَرِّ الشَّيْطَانِ وَشَرِّكَه، وَأَنْ أَقْتَرِفَ
عَلَى نَفْسِي سُوءًا، أَوْ أَجْرَهُ إِلَى مُسْلِمٍ»

اے اللہ! آسماناں تے زمین نوں پیدا کرن والیا!
غیب تے حاضر دا علم رکھن والیا! تیرے سوا کوئی
معبود نہیں، توں ہر چیز دا رب تے ہر چیز دا بادشاہ
ایں، میں اپنے نفس دے شر توں، تے شیطان دے
شر توں تے اوہدے شرک توں، تے ایس گل توں
تیری پناہ منگنا کہ میں اپنے آپ دے حق وچ کوئی

برائی کراں یا فیر کسے مسلمان دے نال کوئی برائی
کراں۔



«بِسْمِ اللّٰهِ الَّذِي لَا يَضُرُّ مَعَ اسْمِهِ
شَيْءٌ فِي الْأَرْضِ وَلَا فِي السَّمَاءِ وَهُوَ
السَّمِيعُ الْعَلِيمُ»

اللہ دے نام دے نال، جہدے نام دے نال زمین
تے آسمان وچ کوئی چیز نقصان نہیں دے سگدی،
تے اوہ بہت ای سنن والا تے بہت ای علم والا
اے۔

3 واری

7

«رَضِيْتُ بِاللّٰهِ رَبًّا، وَبِالْإِسْلَامِ دِينًا،
وَبِمُحَمَّدٍ صَلَّى اللَّهُ عَلَيْهِ وَسَلَّمَ نَبِيًّا»

میں اللہ دے رب ہون تے، اسلام دے دین
ہون تے، تے محمد ﷺ دے نبی ہون تے راضی
آں۔

«اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا
وَالْآخِرَةِ، اللَّهُمَّ إِنِّي أَسْأَلُكَ الْعَفْوَ وَالْعَافِيَةَ
فِي دِينِي وَدُنْيَايَ، وَأَهْلِي وَمَالِي، اللَّهُمَّ اسْتُرْ
عَوْرَاتِي، وَأَمِنْ رَوْعَاتِي، اللَّهُمَّ احْفَظْنِي مِنْ
بَيْنِ يَدَيْي وَمِنْ خَلْفِي، وَعَنْ يَمِينِي وَعَنْ
شِمَالِي، وَمِنْ فَوْقِي، وَأَعُوذُ بِعَظَمَتِكَ أَنْ
أُغْتَالَ مِنْ تَحْتِي»

اے اللہ! میں دنیا تے آخرت وچ تیرے کولوں
عافیت منگنا، اے اللہ! میں تیرے کولوں معافی منگنا،
تے اپنے دین تے دنیا وچ تے اپنے اہل تے مال
وچ تیرے کولوں عافیت دا سوال کرداں۔ اے اللہ!

میرے عیباں نوں چھپا دے، تے مینوں خوف زدہ
 کرن والیاں چیزاں توں بے خوف کر دے۔ اے
 اللہ! میرے اگوں، میرے پچھوں، میری سبھیوں،
 تے میرے کھبیوں، تے میرے اُتوں میری حفاظت
 کر، تے میں تیری عظمت دی پناہ وچ آوناں ایس
 گل توں کہ میری پکڑ ایداں ہو جاوے کہ مینوں
 پتہ ای نہ لگے۔



«أَعُوذُ بِكَلِمَاتِ اللَّهِ التَّامَّاتِ مِنْ شَرِّ
مَا خَلَقَ»

میں اللہ دے کامل کلمات دے نال ہر اوس چیز
دے شر توں پناہ منگنا جیسڑی اونہنے پیدا کیتی۔

«أَصْبَحْنَا عَلَىٰ فِطْرَةِ الْإِسْلَامِ، وَكَلِمَةِ
الْإِخْلَاصِ، وَدِينِ نَبِيِّنَا مُحَمَّدٍ - صَلَّى اللَّهُ
عَلَيْهِ وَسَلَّمَ - وَمِلَّةِ أَبِينَا إِبْرَاهِيمَ حَنِيفًا،
وَمَا كَانَ مِنَ الْمُشْرِكِينَ»

آسی فطرتِ اسلام، تے کلمہِ اخلاص دے اُتے، تے
اپنے نبی محمد ﷺ دے دین، تے اپنے والد ابراہیمؑ
دی سدھی سادھی ملت دے اُتے صبح کیتی، تے
ابراہیمؑ مشرکاں وچوں نہیں سی۔

جدوں صبح کرے تے ایہہ دعا منگے

«أَمْسَيْنَا عَلَى فِطْرَةِ الْإِسْلَامِ، وَكَلِمَةِ
الْإِخْلَاصِ، وَدِينِ نَبِيِّنَا مُحَمَّدٍ - صَلَّى اللَّهُ
عَلَيْهِ وَسَلَّمَ - وَمِلَّةِ أَبِينَا إِبْرَاهِيمَ حَنِيفًا،
وَمَا كَانَ مِنَ الْمُشْرِكِينَ»

آسی فطرتِ اسلام ، تے کلمہِ اخلاص دے اُتے، تے
اپنے نبی محمد ﷺ دے دین، تے اپنے والد ابراہیمؑ
دی سدھی سادھی ملت دے اُتے شام کیتی ، تے
ابراہیمؑ مشرکاں وچوں نہیں سی۔

جدوں شام ہووے تے ایہہ دعا پڑھے



«يَا حَيُّ يَا قَيُّوْمُ بِرَحْمَتِكَ أَسْتَغِيْثُ أَصْلِحْ
لِي شَأْنِي كُلَّهُ، وَلَا تَكِلْنِي إِلَى نَفْسِي
طَرْفَةَ عَيْنٍ»

اے حی و قیوم ذات! میں تیری رحمت دے نال
مدد منگنا، میرے سارے معاملات سدھے کر دے،
تے مینوں اک لمحہ بھر وی میرے نفس دے
حوالے نہ کریں۔



«حَسْبِيَ اللَّهُ لَا إِلَهَ إِلَّا هُوَ عَلَيْهِ تَوَكَّلْتُ
وَهُوَ رَبُّ الْعَرْشِ الْعَظِيمِ»

میرے لئی اللہ کافی ہے، اوہدے سوا کوئی معبود
نہیں، میں اوہدے اُتے توکل کیتا، تے اوہ عرشِ
عظیم دارب اے۔

7 واری



پہلے جانے جاؤ



پہلے صفحے سے واپس جاؤ

حدیثاں دی تخریج

اول: ثنا والیاں حدیثاں دی تخریج

1 صحیح مسلم: 600

2 صحیح مسلم: 477

3 ایس حدیث نوں امام بیہقیؒ نے شعب الایمان دے وچ

ذکر کیتا اے: 4087، تے علامہ البانیؒ نے صحیح الترغیب

دے وچ ایہنوں صحیح قرار دتا اے: 1576

4 صحیح بخاری: 1120، 7442، صحیح مسلم: 769

5 صحیح مسلم: 2713

6 مستدرک امام حاکم: 1920، علامہ البانیؒ نے ایس حدیث

نووں سلسلہ صحیحہ دے وچ صحیح قرار دتا اے: 267

7 سنن ابو داؤد: 1493، سنن ترمذی: 3475، تے امام

ترمذیؒ نے ایہنوں حسن قرار دتا اے۔ تے مشکاة المصابیح
 وچ علامہ البانیؒ نے ایہنوں صحیح قرار دتا اے: 708/2
 صحیح بخاری: 6345، صحیح مسلم: 2730

سنن ابو داؤد: 1425، سنن ابن ماجہ: 3382، تے
 علامہ البانیؒ نے ایس حدیث نوں الترغیب و الترہیب و
 چ صحیح قرار دتا اے: 1824

صحیح مسلم: 2696

سنن ابن ماجہ: 3878، علامہ البانیؒ نے ابن ماجہ دی
 اپنی تخریج وچ ایس حدیث نوں صحیح قرار دتا اے۔

صحیح مسلم: 1218

صحیح بخاری: 6306

سنن ابو داؤد: 1495، سنن ترمذی: 3544، علامہ
 البانیؒ نے مشکاة المصابیح دے وچ ایس حدیث نوں صحیح
 قرار دتا اے: 708/2

15 امام طبرانی نے الاوسط وچ ایس حدیث نوں روایت کیتا اے: 734 تے علامہ البانی نے الترغیب دے وچ ایہنوں صحیح قرار دتا اے: 1839

16 مسند احمد: 24/6، سنن ابو داؤد: 873، تے علامہ البانی نے مشکاة المصابیح وچ ایہنوں صحیح قرار دتا اے: 192/1

17 سنن ابو داؤد: 874، سنن نسائی: 1069، تے علامہ البانی نے صحیح سنن النسائی دے وچ ایہنوں صحیح قرار دتا اے: 289/3

18 صحیح مسلم: 601

دوم: نماز دی دعاواں دیاں حدیثاں دی تخریج

1 صحیح بخاری: 744، صحیح مسلم: 598

2 صحیح مسلم: 770

3 صحیح مسلم: 771

4 صحیح بخاری: 794، صحیح مسلم: 484

- 5 صحیح مسلم: 486
- 6 صحیح مسلم: 483
- 7 صحیح بخاری: 6316، صحیح مسلم: 763
- 8 صحیح بخاری: 1377، صحیح مسلم: 588
- 9 سنن ابو داؤد: 1522، سنن نسائی: 1303، علامہ البانی نے مشکاۃ المصابیح دے وچ ایس حدیث نوں صحیح قرار دتا اے: 299/1
- 10 صحیح مسلم: 771
- 11 صحیح بخاری: 798، صحیح مسلم: 589
- 12 سنن ابو داؤد: 792، سنن ابن ماجہ: 910، تے علامہ البانی نے الجامع الصغیر دے وچ ایس حدیث نوں صحیح قرار دتا اے: 604/1
- 13 صحیح بخاری: 2822، 6390
- 14 صحیح بخاری: 834، صحیح مسلم: 2705

- 15 امام حاکمؒ نے ایس حدیث نوں اپنی مستدرک وچ بیان
 کیتا اے تے ایہنوں صحیح قرار دتا اے: 190
- 16 صحیح مسلم: 709

سوم: نبی ﷺ دیاں دعاواں جنہاں وچ آپ ﷺ نے
 (اللہ کولوں) منگیا اے

- 1 صحیح بخاری: 6389، صحیح مسلم: 2690
- 2 صحیح مسلم: 2697
- 3 سنن ترمذی: 3563، امام ترمذیؒ نے ایس حدیث نوں
 حسن قرار دتا اے، تے علامہ البانیؒ نے سلسلہ صحیحہ
 دے وچ ایہنوں صحیح قرار دتا اے: 532/1
- 4 صحیح مسلم: 2654۔ ایہناں لفظاں نال ایس حدیث نوں
 امام ترمذیؒ نے روایت کیتا اے: (يَا مُقَلَّبِ الْقُلُوبِ شَيْتِ
 قَلْبِي عَلَيَّ دِينَكَ) تے اوہناں دا ایدے بارے کہناں اے
 کہ ایہہ حدیث حسن اے۔

5 مسند احمد: 134/6، سنن ابن ماجہ: 1264/2، علامہ البانی نے صحیح الجامع دے وچ ایس حدیث نوں صحیح قرار دتا اے: 274/1

6 سنن ترمذی: 3524، امام نسائی نے ایس حدیث نوں السنن الکبریٰ دے وچ روایت کیتا اے: 212/9 تے علامہ البانی نے صحیح الجامع دے وچ ایہنوں صحیح قرار دتا اے: 5820 - 1913

7 مسند احمد: 4318، شیخ الاسلام ابن تیمیہ رحمہ اللہ تے اوہناں دے شاگرد ابن القیم رحمہ اللہ نے ایس حدیث نوں صحیح قرار دتا اے: شفاء العلیل، ص: 274

8 ایس حدیث نوں ابن حبان نے روایت کیتا اے: 974، تے اوہناں نے لکھیا اے: باب (ذِكْرُ مَا يُسْتَحَبُّ لِلْمَرْءِ سُؤَالَ الْبَارِي جَلَّ وَعَلَا تَسْهِيلَ الْأُمُورِ عَلَيْهِ إِذَا صَعِبَتْ) (بندے اُتے جدوں معاملات مشکل ہو جان تے اوہناں دی اپنے لئی آسانی واسطے جیسرٹیاں

دعاواں باری تعالیٰ کولوں منگنا مستحب اے اوہناں دا بیان
(تے علامہ البانیؒ نے سلسلہ صحیحہ دے وچ ایس حدیث
نوں صحیح قرار دتا اے: 2886

9 صحیح مسلم: 2721۔ شیخ سعدی رحمہ اللہ ایس دعا دے
بارے کہندے نیں: «اے دعا سب توں زیادہ جامع
تے سب توں زیادہ نفع دین والی اے۔ ایہدے وچ
دین دی خیر وی اے تے دنیا دی خیر وی اے»۔ بھجے
قلوب الأبرار وقرۃ عیون الأخیار، ص: 205

10 صحیح مسلم: 2725

11 صحیح مسلم: 2720

12 ایس حدیث نوں امام ترمذیؒ نے روایت کیتا اے:
3513، تے اوہ فرماندے نیں کہ ایہہ حدیث «حسن
صحیح» اے۔

13 ایس حدیث نوں امام ترمذیؒ نے روایت کیتا اے:
3502، تے امام نسائیؒ نے ایہنوں السنن الکبریٰ وچ

روایت کیتا اے: 10161، تے علامہ البانیؒ نے صحیح

الجامع وچ ایس نوں صحیح قرار دتا اے: 1268

14 ایس حدیث نوں امام ترمذیؒ نے روایت کیتا اے، تے

ایہدے بارے وچ فرمایا اے کہ ایہہ حدیث «حسن

صحیح» اے۔

15 مسند احمد: 22109، سنن ترمذی: 3235، تے امام

ترمذیؒ دا کہنا اے کہ: ایہہ حدیث «حسن صحیح» اے۔

16 ایس حدیث نوں امام طبرانیؒ نے المعجم الکبیر وچ روایت

کیتا اے: 7135، علامہ البانیؒ نے السلسلہ الصحیحہ وچ

لکھیا اے کہ: «ایہہ عمدہ اسناد اے»۔

17 مسند احمد: 1718، سنن ابو داؤد: 1425، تے مشکاة المصابیح

وچ علامہ البانیؒ نے ایہنوں صحیح قرار دتا اے: 1273

18 مسند احمد: 18325، سنن نسائی: 1305، تے علامہ البانیؒ

نے صحیح الجامع وچ ایہنوں صحیح قرار دتا اے: 1301

19 ایس حدیث نوں ابو داؤدؒ نے روایت کیتا اے: 5074،
تے امام بخاریؒ نے ایہنوں الادب المفرد وچ روایت کیتا
اے: 1200، تے علامہ البانیؒ نے صحیح الادب المفرد
وچ ایہنوں صحیح قرار دتا اے: 912

نبی ﷺ دے تعویذات والیاں حدیثاں دی تخریج

1 صحیح مسلم: 2716، سنن النسائی: 5524

2 ایس حدیث نوں امام بخاریؒ نے الادب المفرد وچ
روایت کیتا اے: 716، تے علامہ البانیؒ نے صحیح الجامع
الصغیر وچ ایہنوں صحیح قرار دتا اے: 694/1

3 صحیح مسلم: 2739

4 سنن ترمذی: 3591، المعجم الکبیر للطبرانی: 36، تے
علامہ البانیؒ نے ایہنوں صحیح الجامع وچ صحیح قرار دتا اے:
278/1

5 صحیح بخاری: 6616، صحیح مسلم: 2707

6 صحیح مسلم: 2722

7 صحیح بخاری: 2893، امام مسلم نے ایہدا کچھ حصہ روایت کیتا اے: 2706

8 سنن ابوداؤد: 1551، سنن ترمذی: 3492، تے علامہ البانی نے ایہنوں صحیح الجامع و صحیح قرار دتا اے: 811/2

9 صحیح بخاری: 6376، صحیح مسلم: 589

10 صحیح مسلم: 2717

11 سنن ابو داؤد: 1554، سنن نسائی: 5493، تے علامہ البانی نے ایہنوں صحیح الجامع و صحیح قرار دتا اے: 275/1

12 امام طبرانی نے ایس حدیث نوں المعجم الکبیر و صحیح روایت کیتا اے: 810، تے علامہ البانی نے صحیح الجامع و صحیح ایہنوں حسن قرار دتا اے: 1299

13 مسند احمد: 2667، صحیح مسلم: 2867

پنجم: دم والیاں حدیثاں دی تخریج

1 صحیح بخاری: 5749، صحیح مسلم: 2201، سنن ترمذی:

2063، تے اوہ روایت کردے نے کہ اوہناں نے فاتحہ

دے نال ملا کے ایہدا ست واری دم کیتا۔

2 صحیح مسلم: 810، تے مسلم شریف وچ آیا اے کہ

اللہ دی کتاب دی ایہہ سب توں وڈی آیت اے۔ امام

بخاری نے اپنی صحیح کتاب وچ لکھیا اے کہ ایہہ شیطاناں

توں حفاظت کردی اے: 2311

3 صحیح بخاری: 5735، 5748، صحیح مسلم: 2192

4 صحیح بخاری: 5742، 5743

5 صحیح بخاری: 5745، 5746، صحیح مسلم: 2194، تے

ایس حدیث دی شرح وچ امام نووی دی صحیح مسلم دے

اُتے شرح نوں وی ملاحظہ کرو: 184/14

6 صحیح مسلم: 2202

7 صحیح بخاری: 3371

8 صحیح مسلم: 2709

9 سنن ابو داؤد: 5088، سنن ابن ماجہ: 3869، تے

علامہ البانی نے مشکاة المصابیح دے وچ ایس حدیث نوں

صحیح قرار دتا اے: 2391

10 صحیح مسلم: 2186

11 سنن ابو داؤد: 3106، سنن ترمذی: 2083، تے علامہ

البانی نے صحیح الترغیب وچ ایس حدیث نوں صحیح قرار دتا

اے: 3480

ششم: صبح شام دے اذکار دی تخریج

1 مسند احمد: 8719، تے ایس حدیث دی اسناد نوں ابن

باز رحمہ اللہ نے اپنے رسالے (تحفة الأخیار) دے وچ

حسن قرار دتا اے۔

2 صحیح مسلم: 2723

3 صحیح بخاری: 3606

4 سنن ابو داؤد: 5068، سنن ترمذی: 3391، تے ابن باز رحمہ اللہ نے ایس حدیث دی اسناد نوں صحیح قرار دتا اے۔

5 مسند احمد: 6597، سنن ابو داؤد: 5076، سنن ترمذی: 3529، ایس حدیث نوں امام بخاریؒ نے الادب المفرد وچ روایت کیتا اے تے ابن باز رحمہ اللہ نے ایہنوں حسن قرار دتا اے۔

6 مسند احمد: 446، سنن ترمذی: 10179، تے امام ترمذیؒ دا ایہدے بارے وچ کہنا اے کہ ایہ حدیث «حسن صحیح» اے۔

7 مسند احمد: 18967، سنن ترمذی: 3389، تے ابن بازؒ نے ایدی اسناد نوں حسن قرار دتا اے۔

8 مسند احمد: 4785، سنن ابو داؤد: 5074، تے امام حاکمؒ نے ایہنوں صحیح قرار دتا اے۔

9 مسند احمد: 7898، سنن ترمذی: 3437، تے ایس حدیث دی اسناد نوں ابن باز رحمہ اللہ نے حسن قرار دتا اے۔

10 مسند احمد: 15367,21144، تے ایہدی اسناد نوں ابن باز رحمہ اللہ نے صحیح قرار دتا اے۔

11 سنن نسائی: 10405، مسند بزار: 282/2، تے علامہ البانیؒ نے السلسلہ الصحیحہ دے وچ ایہنوں حسن قرار دتا اے: 449/1

12 سنن ابو داؤد: 5081، راجح ایہو اے کہ ایہ حدیث موقوف اے، پر ایہ مرفوع دے حکم وچ اے جس طراں کہ علامہ البانیؒ نے ذکر کیتا اے۔ (ولیکھو: السلسلہ الصحیحہ: 449/11)

العلمية
الوقفية

مؤسسة اقتداء العلمية الوقفية

آسی نبی ﷺ دیاں سنتاں تے آپ ﷺ دے روزانہ
دے اذکار دی نشر و اشاعت دا اہتمام کرنے آں
سانوں خوشی ہوئے گی کہ تسی ساڈے نال رابطہ کرو:

00966503766222

 doa.eqtidaa.com



@eqtidaa1



Download on the
App Store



ANDROID APP ON

Google play